


6244
:63



歷代名臣奏議

卷之一百四十六

一百四十七



歷代名臣奏議卷之一百四十六

用人

宋孝宗時。韓元吉進故事曰。唐書杜黃裳傳。憲宗嘗問前古王者所以治亂。黃裳知帝銳於治。恐不得其要。因推言王者之道。在脩己任賢而已。操執綱領。要得其大者。至簿書獄訟。百吏能否。本非人主所自任。昔秦始皇帝親程決事。見強前世。魏明帝欲按尚書事。陳矯不從。隋文帝曰。吳聽政。衛士傳餐。太宗笑之。故王者擇人任而責成。見功必賞。有罪信罰。孰敢不力。孔子之稱帝舜。恭己南面。以其能舉十六相。去四凶而至無為。豈必利神疲體勞耳目之察。然後為治哉。帝嘉納之。由是平夏翦齊滅蔡。復兩河。以機秉還宰相。紀律設張。赫然中興。自黃裳啓之。

臣觀憲宗即位。德建中貞元多難之餘。強藩悍將。頡頏莫制。當時宰相杜佑鄭絳。輩痛巽懦姑息不足任此。故帝欲以身任之。實甚勞矣。夫群

臣之不足任。是未得其可任者也。而黃裳不自以為。雖乃為帝言。為治之要在擇人任之。恐其弊精神於簿書獄訟之間。卑視聽察於耳目之際而已爾。由是憲宗醜然感悟。擇人任焉。然黃裳僅能言之。而無天年。繼以李吉甫始任其責。出郎吏以為刺史。省冗官八百員。省吏千四百。併州縣。傳入仕。易藩鎮者三十六。又繼以裴均整齊法度。課吏治。別淑慝。獎勵紳官。悉使言事。百度脩舉。朝無幸人。其後則若李藩之塗詔。李絳之論事。裴度之討賊。帝皆一意任之。無復自任。俾各得盡其才。而後其慮庶政內修。天威四出。削平畔亂。克復兩河。無不如志。論者以謂憲宗剛明果斷。非止伐蔡一事也。使大臣如杜佑鄭綱而任之。則安得為明。聞黃裳言而不。則安得為斷。要在明於可明。斷於可斷。得其人為先。則尚何所勞哉。故人君勞於求賢。適於得人。其勞也。畏其非所當勞。而

枉用焉。唯求賢足以當之。若勞於細務。則羣臣返將安坐拱手。視吾之勞。而莫肯任事也。史臣謂憲宗中興。由黃裳啓之。其不誣也。揚萬里進千慮策。論相上曰。臣聞聖人不能為天下求宰相。而能為天下受宰相。惟能受之。是乃能求之歟。知所以求之。而不知所以受之。則雖焦心側席。而相不至。搜巖剔藪。而相不出。夢卜物色。而相不真。蓋亦有出而至者矣。其如不真何。人主曰賢。天下曰否。人主曰忠。天下曰邪。人主曰才。天下曰繆。夫是之謂相不真。是故一言而天下譁之一動。而天下折之。非天子悟而逐斯人。則斯人慙而去之。且夫一邑不可欺以令。一郡不可欺以守。而天下獨可欺以相哉。聖人之求宰相。初不求也。非不求也。不求者所以深求之也。是故聽天下之自求其人。而我無與焉。其得之也。蓋曰爾自求之。爾自得之。吾為爾用之焉耳。其用之也。則曰爾遺我。以其人善為爾相之矣。其人欲去。而天下不允焉。

曰還爾相。夫是之謂能為天下受宰相。古之聖人惟其受而不求。是以永而必得。得而必任。任而必久。久而必成。蓋得而必任。故其人敢於盡任而必久。故其功不敗於搖。敢於盡而不敗於搖。亦何事之不成就。而古之君子之相其君。亦不敢犯天下之所不許。天下不許而君許之。君子有深藏遠遁。以自脫天下之譏而已。昔者漢武帝相車千秋。而取譏於匈奴。魏文帝以賈詡為太尉。而貽笑於孫權。張昭薦李濤為宰相。而周世宗薄其無大臣體。夫能言天下不敢言之事。而回人主不可回之疑。有如千秋之賢乎。策袁紹則取袁紹。策馬超則取馬超。有如譚之謀乎。知張彥澤之必為晉患。知周高祖之必不為漢臣。有如潘之先見乎。而或以譏笑於敵國。或以不取於其君。古者人主之用相如此其難也。楚以遠子馮為令尹。而子馮不食以避之。晉以秦襲為司徒。而曰我為司徒。後世必西。竟不拜。唐李暉為宦者。引為相。而

恥之。竟不就職。三君子者皆賢者也。夫豈不堪於相而不欲富貴哉。古者君子不輕以身相人。如此其嚴也。後之君子違天以利其身。弗衆以欺其君。不計其身之所有。以僥其分之所無。可謂不智乎。及得其所無。而天下皆責之以所有。上以誤其國。下以誤其身。皆是也。可謂智乎。陛下即位之初。蓋嘗謀之國人。而得賢相矣。天下方以為賀。而陛下以為疑。非陛下疑之也。姦臣有以啓陛下之疑也。使陛下待之不堅。天下恨之。陛下悔之。亦無及矣。而近歲以來。每虛宰席以待其人。天下聳而望曰。其必有以慰我。既而麻制一傳。則天下惓然誅之。或曰。此無聞之人也。或曰。此非君子。或曰。此何人。而何以了此事。故朝廷輕用之。輕視之。亦輕罷之。其來不為朝廷重。其去不為朝廷輕。其進不為天下喜。其退不為天下戚。舜之於羊陶。湯之於伊尹。武王之於太公。齊威之於管仲。蜀先主之於諸葛。亮似不如此。蓋陛下

知為天下求宰相。而不知為天下受宰相也。故老相傳祖宗朝嘗關宰相。天下之望在於韓琦富弼。故洛之人則曰。我丞相三詔不起也。相之人則曰。我侍中屢詔不行也。此天下之人自擇宰相。以遺朝廷。今天下豈無其人。天下之望豈無所在。陛下從其望之所在者而用之。擇之在天下。受之在聖主。用而觀之。效則久之。此真天下之相也。而獨擾擾焉何也。

論相下曰。臣聞天子之相。必其人。有以自恃。而後其人為足恃。蓋天下大器也。有有此器者。有負此器者。天子者。有此器者也。宰相者。負此器者也。匹夫有百金之器。則必擇其負。擇其負。故重其人。夫惟重其人。而後負之者。輕其器。蓋人可以勝器。而器不可以勝人。人勝器者。全器。勝人者。顛。舉天下之大。而負之。負之而不能堪。舉之而不能舉。事至而亂。變又起而驚。已且無以自恃。而天子何恃焉。古之大臣居

天下之至安。而不驕。居天下之至危。而不憚。不勞談笑。不動聲色。而天下自定。此其意非苟為不測之量。虛為不折之氣。以鎮服物情而已。其必有以自恃也。恃在應應在裕。夫敵國之相圖。姦雄之相窺。固輕發於吾之所窮。而重發於吾之所裕。夫惟先事而破其謀。有事而出其不意。發則應。應則不窮。天下安得而不定。天子者。得斯人而相之。則天下可以高枕。而無足憂。何則。有足恃者也。後之君子。懦者既不足與有為。而其勇者。又往往得其所恃之似。而無以實之。蓋亦有所謂不勞談笑。而不動聲色者矣。然可與之居安。而不可與之居危。可與之守常。而不可與之應變。此其中無應變之機。而其外亦鎮服之度。故無事則若不可測。而有事則敗矣。故夫古之相其君。而當天

下之變者。蓋有鎮物以破敵者矣。有同乎鎮物。而不同乎破敵者焉。有推誠以解紛者矣。有同乎推誠。而不同乎解紛者焉。有示強以止亂

者矣。有同乎示強而不同乎止亂者焉。謝安遊飲博以當符堅。房瑄彈琴清談以當安史。此同乎鎮物也。然泚水大勝而陳濟大敗。何也。人不同也。蓋安有謝元而瑄有劉秩。此其所以不同於破敵與郭子儀單騎以入回紇。張延賞亦使暉瑊徹備以盟吐蕃。此同乎推誠也。然回紇拜郭子儀而唐以安吐蕃幾擒瑊而德宗欲出避。何也。情不同也。蓋回紇之寇子儀知其情之不得已。故變寇以為盟。吐蕃之盟延賞不知其情之欲圖唐。故變盟而為寇。此其所以不同於解紛與。裴度答朱克融以兵臣速來之語。景延廣答契丹以橫磨大劍之語。此同乎示強也。然克融卒不敢動而契丹遂滅晉。何也。勢不同也。蓋以克融而犯唐則以臣而叛君。以晉而怒契丹則背惠而立怨。此其所以不同於止亂與。當天下之變而決天下之機。不可以一法應也。得其一法而不得其不一之法。未有不敗事者。方晉之未捷。謝安

與王衍何以異。而陳濟之未敗。平涼之未變。契丹之未動。所謂房瑄者。延賞者。景延廣者。誰不以為謝安郭子儀裴度復出也哉。蓋應變之難如此。今強虜盜有中原之半者。四十年矣。自逆亮之斃。其君臣日夜伺吾之隙。而求吾之便。又五六年矣。此何等時耶。然無事則說而不戚。有事則驚而失措。不知朝廷所恃以應變者何人耶。豈其以天下之大。而空無一人之足恃。上之人獨得而不息也。然則時求謝安郭子儀裴度之才。何從而得之。夫子曰。如有所譽者。其有所試。人之能。不能。雖聖人不能逆知之。其能知之者。以其試之也。然才可試而變不可試。臨變而試才者。垂死而試醫者也。古之聖人。惟能擇天下甚難之事。以試天下之才。故一旦有急而不亂。則試之者熟。而儲之者素也。嘗聞寇準以小臣言事。而為太宗之所知。太宗屢以事密詢於準。已知其有宰相之才。當是之時。天下承平。豈有它變。其何事

於準哉。其後真宗澶淵之役。獨決親征之議。對敵高卧。天子恃之以為無恐。諸將恃之以成大功者。乃前日太宗所密詢之人也。今宰相之才無事而不求。且不試。求而不締。明年何衣。稻而不麥。明年何食。臣實憂之。

萬里千慮。策論冗官。上曰。臣聞聖人之為天下。必與天下難。其初難。其初猶病於未況。易其初。則天下孰不曰。聖人之於我易也。則我之求也何難。於是貧求富。賤求貴。不獲者求與。而聖人亦曰。求吾富爾。吾貴爾。吾與爾。天下皆欣然曰。聖人之於我果易也。則求者紛然而來。求者不勝其衆。則應者不勝其費。使費而有以費也。則與天下盡費。而何惜。然求者無窮。與者既竭。求者方來。以有極。塞無窮。則上不堪其煩。以方來。貢既竭。則下不厭其冀。下不厭而上不堪。則上之人閉戶以却其下。其初惟恐天下之

其來而無以受。惟恐天下之不說也。而不慮其悅而無以終。其始不慮其終。無及於慮。則安得而不閉戶也。與其閉之也。孰若其初之不開也。開以召之。獨得閉而却之哉。舟人之操舟也。有萬斛之舟焉。有一葦之舟焉。以一葦之力載一葦。則一葦小而大。以萬斛之力載萬斛。則萬斛重而輕。不善操舟者。不計其舟之能。而惟其人之悅。百人而登一葦。不知拒也。百萬之粟而委於萬斛之舟。不知辭也。葦中流而不遇風也。中流而遇風。何如哉。則人浮於舟也。天下非舟乎。堯舜之時。民之善而可封者。比屋焉。士之可用而願為臣者。萬邦黎獻焉。為堯舜者。將盡封而官之乎。官不過百。而國不過萬。則盡天下之地。有不足於封。而盡朝廷之官。有不足於任者矣。納以言。以探諸其中。明以功。以試諸其外。可者取。否者黜。天下之悅不悅。堯舜不恤也。則人不浮於舟也。官何自而冗。朝廷自天子龍飛之初。固天下之大慶。

也。固不可以無天下之大賚也。然潛藩之州。出節之鎮。士之之恩。而官焉。進士之以年得官。而未應於格者。皆以橫恩。而官焉者。以千計焉。何其多也。任子之法。議臣請因多故而痛省之。可省而不省也。郊焉。而任者。又以數千計。何其愈多也。此而不惜。至於吏部灑墨。而不丟官簿。汗牛而日增。人不加少。而官不加多。則減館職。罷寺簿於內。而省監司之寮屬於外也。而官冗自若也。不難其初。而難其後。其有及乎。為今之計。龍飛之恩。無所於咎矣。而任子猶可議否也。任子之法。借未能限其入官之門。蓋亦嚴其試。吏之塗耶。勿限其門。名也。嚴其塗。實也。寬與嚴並。名與實偕。則有不省之首。不減之減者。夫子之射也。觀者如牆。夫子不拒也。使子路出。而令焉。則去者幸矣。此之謂不拒之拒。勿限其門。如牆者也。嚴其塗。幸去者也。吾非去之也。吾之法行。而彼自去也。仕進之路之盛者。進士任子而已。士之舉於太學。

舉於州郡。三歲而一詣太常者。慮數千。而南宮之以名聞得官者。儉於三百焉。累舉特恩而得官者。儉於二百焉。則是大比者。再而進士之官者。僅及於千也。至於任子。公卿侍從。每郊而任焉。庶官再郊而任焉。被於進士。則郊者再。而任子之官者。五六其于也。進士之修身積學。有老死而不一第。得之難如此。而取之不勝其寡。任子者。至未勝衣而命焉。得之易如此。而取之不勝其多。則官冗之源。在進士乎。在任子乎。故臣以謂借未能限其入。蓋亦嚴其試。試何為而嚴也。任子之銓。其歲視進士之大比。而非大比。則不銓。取人之法。其數視進士之多少。而以初銓為定額。其場屋之日。昔以五。今以三。則繁焉者簡矣。其中程之藝。昔以一。今以三。則易焉者難矣。如是而中者。乃得補州縣之吏。而其五不中者。然後特與之補吏焉。自宰相子弟。下至於庶官之子弟。必均焉。則一舉而三利得矣。貴游子弟。耽綺襪之習。

而勵寒素之業以成其才。一也。得之不輕則愛之也重。孰不自奮於功名。而國與民不受其厲。二也。進士任子。其進也均。則兩無怨其來者。徐則應者不迫。初難而未甚易。不過十年官曹清矣。三也。又何官冗之足病也哉。

論冗官下曰。臣聞任官者寧以事勝人。無以人勝事。寧以恩棄人。無以人棄恩。先王之時。一事一官也。不惟一事一官也。蓋有數事而一官也。以一官而任數事。是之謂事勝人。事勝人。故居官者無餘暇。而身無餘力。心無餘思。無餘思則明。無餘力則精。無餘暇則不懈。精明而不懈。則一人無餘也。而治百事有餘矣。况數事乎。今則不然。一官而數人居之。一事而數人治之。數人而居一官。則不競其公。而競其私。數人而治一事。則任其功。而不任其責。甲則曰。吾之官正也。彼則增也。乙則曰。官無異官事。無異事也。我何增。爾何正。馬至於事之缺

而不理。民之不悅而有辭。上以責之。則皆曰。非我也。責將誰執哉。此以人勝事之病也。先王之時。官者不於材未論之先。而祿者必於位既定之後。以材詔官。則非材不官矣。以位詔祿。則祿不及於無位矣。非材不官。則天下願官者不僥於官。而趨於材。祿不及於無位。則天下干祿者不冒於祿。而求有所立以得位。蓋有有材而不官。有所立而不位者矣。未有不材而官。無立而位者也。則祿之為祿。誰得竊取而素餐之。是之謂寧以恩棄人。今則不然。人有餘官不足。於是有無官而增官。官有餘而位不足。於是無位而制祿。夫有是人。有是官。有是位而祿之。蓋曰。子大夫之勤也。不可以不食也。今也臨無民也。治無事也。而創為空虛之名。以為之位。而賦之祿。不曰。祿之棄耶。此以人棄恩之病也。昔者堯舜在上。禹皋夔龍在下。何其事之多。而人之寡也。曰。萬幾事不多耶。而皋陶一人也。明刑則斯人焉。弼教則斯

人焉。制蠻夷則斯人焉。治寇則斯人焉。刑也。教也。蠻夷也。寇賊也。是得為細事耶。舉數大事而一士師之官兼之。而數事如一事也。大事如細事也。則天下之官。有下於士師而天下之事。有小於此數者。其有以人勝事者乎。三代之士。蓋有貧而祿仕者矣。疾而食於上者矣。抱關擊柝也。乘田娶吏也。此貧而祿仕者也。然士則祿仕也。而非抱關擊柝。非乘田娶吏。則祿亦有及之者乎。無也。則必有職而且功也。瞽者食於樂。跛者食於門。此疾而食於上也。然人則食也。而非能樂。非能門。則祿亦有及之者乎。無也。則必有事而且勞也。則當時之祿。其有以人棄恩者乎。古今之官。蓋未有冗於今日者也。祖宗之制。每路監司提轉而已。今則提轉之外。又有提舉。若常平者焉。郡有常賦。賦有常入。一吏運牙。簿足矣。不可以無官長也。臨之以一轉運足矣。今則有使。有副。又有判焉。小郡兵馬之官。至於五六人。而同一職。小

邑征稅之官。至於二三人。而共一事。以人勝事。莫甚於此。若氏之官。嶽靈之祠。率建官以領焉。自宰執侍從之斥者。歸者。老者。與夫庶官之一命而上。而貧者。值者。客者。高之為置。使為提領。卑之為主管。為監當。此何職哉。此職何事哉。國之安危。民之休戚。政之利害。不知也。而一日不廩之則怨。問之則曰。我奉祀也。如是者。千百焉。國得而不貧。民得而不病耶。以人棄恩。莫甚於此。楚人有拙於耕者。患於踐其所種而莫之生也。則以數人肩其輿而已。坐於上以種焉。自以為策之得矣。既而鄰田之稻生矣。而已之稻不生。夫楚人者。非不知愛稻也。而愛非其愛也。以己之不踐為不踐。而忘其數人之踐為踐之大也。設官以為民也。恐一官一人之不治。而以數人治一官。得無踐吾民者多耶。人有毀瓦畫墁而得食。則食人與食於人者。交受其笑。制祿以食功也。以士大夫之無倍。而創為奉祠。空虛之位。以祿之。得無

與毀瓦畫墁者類耶。臣願朝廷痛革其弊。每路之監司。止設提轉之
二職。而轉運止於一員。折釐茗以隸於刑。舉常平以歸於漕。則監司
之冗員省矣。大郡之兵官不踰於二。而小郡則止於一。大邑之征稅
設官者一。而小邑則兼以令丞。至於幕職。有簽書。而又有判官者。簿
尉之可以併省者。則存其一。而廢其一。則郡邑之冗員省矣。庶乎人
不勝事也。先嚴任子試吏之法。三歲一試。而補吏者不過五百。則來
者徐。而官曹漸清。然後乘其清。而去其浮食。所謂祠祿者。一切罷之。
庶乎不以人棄恩也。嗟乎。不制其來。勿病其眾。不散其眾。勿病其冗。
前之說行。所以制其來而散其眾也。制之散之。而後去其冗。則盡去
天下之冗官。而天下有不覺者矣。覺且不覺。怨且得而怨也耶。
萬里千慮。策論人才上曰。臣聞才之在天下。求之之法愈密。則愈踈。取
之之塗愈博。則愈狹。然則天下之才。果不可求乎。古者一代聖人之

興。則一代之人才亦從而興。夫豈不求而自至也。蓋聖人者。度越世
俗之拘攣。徹藩牆。去城府。神傾意豁。以來天下度外奇傑之士。改才
者畢赴。不才者自伏。後世之君。以為天下之人。舉將欺我而不可信。
於是立為規矩。創為繩墨。以簸揚澄汰天下之士。取之不勝其精。而
實粗。得之者皆截然入規矩中。繩墨而奇傑之士。皆漏於規矩繩墨
之外。故求治而莫之與治。遭亂而莫之與除。紛紜膠擾而不能成功。
然則天下之才。求之安事於密。而取之安事於博哉。蓋密則必有所
闕。博而未離於密也。國家自祖宗知規矩繩墨之未足以羅度外奇
傑之士也。是故進士任子以待群才。制科以待異才。得人蓋不少矣。
然自制科中罷而復行。今四十年而竟未有一士出。而副側席之求。
此其故何也。無乃今之制科。非古之制科歟。無乃不用規矩繩墨。而
規矩繩墨愈急歟。故臣嘗謂今欲求制科奇傑之士。夫惟有所不容。

斯可以求之矣。昔者西漢制科之盛。莫武帝若也。嘗求其所以策之
之說。則曰。上嘉唐虞下悼桀紂而已。則又曰。禹湯水旱厥咎何由而
已。何其甚平而無難也。非無難也。不暇於難也。夫武帝者。方風宿晨
興。以願聞治道之要。之不暇。而暇搜蠹簡。摘瘦辭。以為苟難。以與書
生角。一日之記問也哉。今則不然。先命有司而試之。以莫知所從出
之題。既又親策於廷。而雜之以奧僻恠奇之故事。不過於何晏趙岐
孔安國鄭康成之傳注。與夫孔穎達之疏義而已。此豈有關於聖賢
之妙學。英雄豪傑濟世之策謀也哉。以訓詁之苛碎。而求磊落之士。
以蟲魚之散殊。而釣文武將相之才。不幾於施鱸鱒之筍。以羅橫江
之鯨。桂黃口之餌。以望鳳之來食也耶。其不至固也。非惟不至也。亦
不能也。非惟今之士不能也。雖使古之聖賢如孟軻者。復生亦不能
也。孟子之時。去周之盛時。與今孰遠也。孟子與孟獻子。相去猶近也。

諸侯惡周籍之害已而去之。孟子已不能記其詳。孟獻子之友五人。
孟子已忘其二。則孟子亦安能中今之所謂制科也哉。夫孟子者。固
無事於此能也。孟子則有所不能者矣。孟子曰。如欲平治天下。舍我
其誰。韓子曰。孔子以是傳之孟子。此孟子之所能也。今也不求天下
之士為孟子之所能。而求其為孟子之不能。則是其所求者非其
所求也。故曰。今欲求制科奇傑之士。夫惟有所不求。斯可以求之矣。
且朝廷以此等求士而不得也。求而得則亦烏用是咕咕者為哉。張
華能對千門萬戶之問。而不能救賈后司馬倫之亂。前之敏。後之瘠。
小之明。大之暗。臣愚欲望朝廷參之以祖宗漢唐制科之本意。立大
端而去細目。使士之所治。上之為六經之正經。下之為十七代史。與
諸子之書。而削去傳注與僻之問。其學則主乎有用。其辭則主乎去
諛。上及乘輿而不誅。歷詆在廷而不怒。使天子得聞草野狂直之論。

而士得專意手興亡治亂經濟之業。庶乎奇傑有所挾者稍稍出矣。議者曰。求馬者非求駑也。求駿也。今去其難而純乎易。則懼駑者之至。如之何。是不然。求馬者求其一日千里乎。抑將求其它技乎。今求馬者不問其能千里與否。而曰吾欲其能撮蚤而捫蚤。搏鼠而擒兔也。可乎。士之能瘦辭隱帙者。豈曰奇傑。而奇傑之士。烏在瘦辭隱帙之能不能也。雖然。臣猶欲有言焉。士固有挾策謀而不能手文辭。有能乎文辭而不肯入有司之刀尺。苟軍旅之間。委諸將以薦謀。臣才士。不問於文與武。任與未任。而諸郡大比之薦。名輟進士。定額十之一。以其半而試士之能古文者。略放宏辭之体。以其半而試士之知兵獻策者。略倣武舉之制。上之於宗伯而取之。視進士之科名焉。其數不出乎奏名之常旨。而不羈之士。不至於橫棄。其與以聲病之末而取科級者。不猶愈乎。如此而猶有遺才焉。詎不信也。

論人才中曰。臣聞天下之情有所大不可曉者。常喜背人主之所向。而向人主之所背。人主當宁太息。悵不盡得天下之才而用之。庶幾乎危可安。亂可治。而亡可存也。此豈非人主之所向也哉。然求忠則得姦。求才則不才者多。姦邪不才之人。蓋人主之所甚不欲者也。示天下以所向。而天下必背其所向。示天下以其所不欲。而常得其所不欲。天下之情。如此其不可曉也。是豈真不可曉歟。天下之情。甚易曉也。何也。人主無不茂之旨。而密旨在所向之外也。天下之人。伏其外以窺其中。從其洩而得其密。是故背人主之所向。以陰合其所向。天下之情。甚易曉也。子之養親也。膾炙以為羞禮也。蛙蛤以為進。非禮也。子問父以所膳。必曰膾炙。而不曰蛙蛤也。然退而察其親。則蛙蛤之為嗜。為子者。何憚而不進之。以蛙蛤哉。夫父曰膾炙。而子曰蛙蛤。曷不從其所命。而從其所不命耶。蓋其所命者飾也。其所不命者

真也。故天不從其所命而從其所不命。善從命者也。人主之令天下曰。吾好忠而惡姦。好才而惡不才。夫豈不善。然天下並進而嘗之。忠與姦兩至。而才與不才各求售焉。則其好惡一切有所反。當此之時。天下宜何從。昔者田子與隰子登臺南望。不言而隰子知其意在於伐木。曹公下雞肋之令。二軍莫喻。而楊脩知其意在於退師。上之人舉目操足。而天下已知其旨矣。聖天子即位五年于茲。下求言之聲。開狂直之塗。而忠言猶未聞也。嚴薦舉之法。謹聘召之禮。而真才猶未出也。天下其真無才耶。蓋天子之令。天下有所必不敢信者也。天子如此其聖明也。顛治如此其急也。求才如此其勤也。而天下有所必不敢信者何也。天下但見夫布衣搥鼓而訴民瘼。則下之吏而屏之遠方也。後進小信。越職言事。觸犯忌諱。則罪之以沽名。躁進而臺議之。曰。按其過。以破壞其人也。舊德宿望。補忠而敢諫。則上下左右

群憤而朋嫉之。不罷黜廢放則不止也。元勳將相。敢任大事。而能決大計者。則排斥抑塞。而死徙殆盡也。夫歡忻以致其素。聳踴以起其懦。愛憎長養。以防其消。猶懼天下之才不至也。今也日夜深沮。而痛折之。使天下之士。出一語言。則曰猖狂。勵一節行。則曰矯激。作一事。功。則曰生事。而曰天下真無才也。此雖一飯九歎息。一日百下詔。天下之忠賢奇傑。勇於言而敢於為者。誰敢信而求哉。何則。所求者之言。與所好者之旨。其真不可欺也。說而不怪。將遂成風。是風一成。則治亂存亡之機。將必至此。夫風也者。無形而不可執。無根而不可拔。倡之莫知其所自起。知之莫知其所自隨。合散翕忽。如童子之譏。非天非鬼。而不勝其秘怪。非作非傳。而不勝其流布。禁之則愈滋。窮之則莫推。而是風也。成則閔人之國。粹然於唐虞三代。故其祚長。匿然於秦。故其祚短。凜然如東漢。故其國難拔。廢然於魏晉。故其國遠。

之風之所在。而國隨之。甚可懼也。古之聖人必有以默觀天下之風。見其廢。知其成。整其微。不待其定。是故拒其所從。變之端。而導其所宜歸之塗。故天下之人。陶其風者。自非下愚。皆得以成其才。而收其用。何謂道。道者在好。好在獨。人主之所好。獨而不分。則天下誰不盡探其好。而爭為之趨。專迎其獨。而莫為其它。使天下趨而不它。則雖捐肝腦。蹈鼎鑊。前者未既。而後者來。東漢之凜然者。夫固有導之者也。仁祖之世。天下爭自濯摩。以通經學古為高。以救時行道為賢。以犯顏敢諫為忠。此風一振。長育成就。至嘉祐之末。彌稱多士。其將相侍從。臺諫之才。猶足為子孫數世之用。而不見其盡。何也。仁祖之所好。獨在是也。聖天子即位之初。不可謂無仁祖之所好矣。然分而不。未久而移。今天下風變矣。變而之凜然則幸也。而臣未見其凜然也。變而不反。喑喑默默。怙怙靡靡。此風一感。天下有急。不知誰為之死。

哉。臣不勝大懼。

論人才下曰。臣聞人有常言。皆曰。今天下乏才。天下真乏才耶。才者天之生也。古多才而今乏才。則是天之厚於古而薄於今耶。猶非后稷而無歲。無粟。地非涓川而無地。無竹。天之生物。今猶古也。而獨不生才耶。臣嘗聞之。天下之才。其生在天。其成不在天。天生之。君成之。亦君壞之。才生於天。而壞於君。而曰天下乏才也。可乎哉。蓋天下之才。莫難於成。而莫易於壞。士之幼而壯。壯而老。父兄之所訓誨。君師之所長育。不知其幾何日。博之古今。以入其智。試之世務。以出其能。不知其幾何事。或昔之過。而今補之。以功。或彼之短。而此濟之。以長。嘗然易而涉風霜。不知其幾何變。閱日之久也。更事之多也。應變之熟也。而其才猶有不成者矣。幸而成才。則上之人當如何而愛惜。故曰才莫難於成。人之至情。自非前無千載之眩。後無萬人之怵。獨立

自信。如比干。如伯夷。誰不達於禍。以嚮於福者。天下之人如是而成才矣。日夜瑩之。猶恐昏之。日夜策之。猶恐息之。而上之人。乃不使之免於禍。則是才者。國之獲身之賊也。其誰不解體。故曰。才莫易於壞。唯善用才者。不惟能成天下之才。亦能轉壞以為成。而不善用才者。不惟不能邀其成。而亦不能扶其壞。今日壞其一。明日壞其二。天下之才。銷委腐敗。而緩急乃無一人為之用。無一人為之用。其果無才耶。使善用者起而承之。濯摩翦拂而用之。則故者新。懦者奮。而散者聚。天下之大功。不終朝而可成。後世見漢高帝。唐太宗。收攬天下英雄。而盡得其用。以為後世無復有此之人物。不知漢之所用。即秦之所棄。唐之所得。即隋之所遺。何前之無。而後之有耶。蓋壞其成。與成其壞。皆上之人如何爾。今天下之無才。豈真無耶。抑上之人成之者。過少。而壞之者過多耶。國朝人才。一成於慶曆。再成於元祐。初壞於

紹聖。大壞於崇觀。當其成也。數世收其用。及其壞也。至今被其患。光堯之興。褒表元祐之名臣。又從而序進其子孫。盡斥崇觀之姦黨。又從而廢其裔。使天下曉然知忠義才德之士。暫闕而愈光。姦佞誤國者。終不逃其誅。振而作之。十有餘年。人物之感。寧有慶曆元祐之風。雖中更權臣排去異己。長告訐。興羅織。以痛折天下之忠臣義士。然士大夫之器質。既成。終不為改。譬如玉之已琢。不復為璞。金之已鍊。不復為鑛。陛下始初清明。盡起諸老。而置之於朝。天下相慶。如見漢官威儀也。陛下亦知其所自乎。光堯成之。陛下用之也。當是時。山林枯槁之士。毫髮絲粟之才。予予然而來。紛紛然而起。人人有自奮自喜之意。今未久也。而霍然分散。為之一空。此何為者耶。孟子曰。昔者河進。今日不知其亡也。王無親臣矣。李固曰。一日朝會。見無一宿儒。可顧問者。誠可歎息。今日之事。得無類此。陛下亦嘗察之乎。察之者

亦嘗憂之乎。且陛下之於天下之才。自用之。自壞之。天下知其不然也。意者左右之有讒人歟。讒人之讒也。亦豈曰吾讒人也。蓋曰吾忠也。其逐君子。亦豈頓逐也。蓋有漸也。自以為忠而逐人有漸。又主不察則讒者昌矣。今夫小人之與君子。不為異也。將以同而迎其主。必以同而欺其僚。退則與僚同。進則不與僚同。而與主同。彼小人者。退而不與君子為同。則其諂不密。進而與君子為異。則其諂不力。是故初賣之。終陷之。公孫弘之背汲黯是也。小人之陷君子也。不曰斯人可逐也。必先陽為之地。而外君與之厚。既以釋其君。又以死其人。釋則不疑。安則不戒。夫惟君不疑而人不戒。是故一旦逐之。而莫之覺。武后之言於高宗。乞賣來濟是也。讒必有名。讒而無名。則言之者作。而聽之者不堅。言之讒者必有以不作其言而堅其君。蓋曰非有利於我也。而不利於國。其君安得不躍然動。快然從乎。姚崇之託是

疾以譖張說是也。吁。讒人之千機百竅。知此。君子者舉而觸焉。動而中焉。為人主者奈何恬而不察察而不憂耶。此臣所以流涕而深言之。惟陛下幸察。臣聞用才有道。無所不惜者。才之所從富也。不是惜者。才之所從壞也。今天下老成之才。視之以為不足惜。壞而棄之。臣恐才之不壞者寡矣。臨事而無人。則又曰。天下無才。屈原曰。舍麒麟而不乘。焉遑遑而更索。此臣之所以歎也。

萬里又上奏曰。臣聞聖人之於天下。惟其有所甚疑。是故有所不疑。天下幾路。一路幾州。一州幾邑。而聖人以一身臨乎其上。以百吏分乎其下。天下所謂守令者。豈郡龔黃而縣卓魯者耶。聖人者。將遂以為吏。皆能愛吾赤子。而吾民皆無疾苦愁嘆者耶。欲不疑而不得也。聖人則有所不疑者矣。蓋人不可以盡信。亦不可以盡不信。盡信則天下之姦有所蔽。盡不信則天下之人皆無可寄者。聖人者。擇天下

之有可寄。以察天下之有所惑。是故深居九重。而見民之肌瘠。於四海之外。優游巖廊。而聞民之歌笑。於大山長谷之間。唐虞之啓。而京之部刺。史唐之十道使。今之提轉刺舉之監司。皆天子之所寄。以不疑者。雖然。今之監司。疑則不疑矣。無乃太不疑耶。蓋聞之先儒。蘇軾曰。養猫以去鼠。不可以無鼠。而養不捕之猫。養犬以防毒。不可以無毒。而養不吠之犬。夫不捕不吠之猫犬。不過無功而已。未有大害也。然已在所不養。今則不然。猫與鼠同乳。犬與盜搖尾矣。欲望其止於不捕不吠而不可得也。朝廷亦嘗留意乎。蓋監司之於州縣。有所不敢問。有所不暇問。有所不復問。某郡之守。嘗為侍從也。則監司幸其復為侍從。而有所求。某郡之守。嘗為臺諫也。則監司懼其復為臺諫。而有所擊。至於縣令之與在朝某官。有姻有舊者。皆不敢問。民訴某守。則執其人。封其辭。以送某守。民訴某令。則下其帖。以與某令。是為

守令報讎也。守令從而甘心焉。後有寃者。夫誰敢自言。此之謂不敢問。朝廷舊歲免和糴。而江西之州。有因秋租。而每斛敷和糴十之二者。朝廷罷兵再歲。而舊歲江西之縣。有督馬轂如星火者。大旱不稼。而不才咸。飢民流徙。而不知恤。監司視之。亦如秦越也。此之謂不暇問。郡縣之胥。憑守令之寵。以暴吾民。民訴之者。若拔山然。蓋監司既庇其守令。則併庇其胥。此之謂不復問。朝廷以監司為可信。安知其不可信。聖人之為天下。不使民有所怒而不洩。則其怒有當之者。怒而不洩者。惟無發也。一發則必極於大亂。而不可止。君相之於監司。蓋亦如唐開元之精擇採訪使。而又專責臺諫。以督責之。歲取其功罪之尤者。明著之以示天下。而不次陞黜。一二人焉。以譽其懦。臺諫急。則監司警。監司警。則州縣肅。庶幾民怒之少洩。不至於一旦如潰。洪河决。蟻壤也。

萬里乞留張栻。黜韓侂胄。上書曰。臣聞人主無職事。進君子。退小人。此人主之職事也。昔者舜之功亦多矣。而傳獨以舉十六相。去四凶。為舜之大功。魯平公非不賢矣。而後世乃以信臧倉。疑孟子。為平公之恨。人主之職事。豈復有大於進退賢否者乎。恭惟皇帝陛下。以治功之不振。為大憂。以國勢之不強。為大恥。比年以來。選置宰相。更易百官。凡負天下之望。稱士林之秀者。陛下朝取一人。夕取一人。羅而致之朝廷之上。山林之士。幾無遺矣。慶曆元祐之盛。殆不過此。詩曰。靡不有初。鮮克有終。臣切觀近日之一二事。而私憂陛下之變於初也。臣竊見左司郎中張栻。有文武之材。有經濟之學。蓋其父浚。教養成孰之者三十年。以為陛下一日之用。陛下知之亦十年矣。陛下試之亦屢。東顧使矣。實之都司。慶之講筵。陛下亦駸駸用之矣。天下方拭目而觀。非觀朝廷也。觀栻也。積平生之學。天下恐其負所學。膺聖主

之知。天下恐其負所知。而栻自立朝以來。凜凜自奮。其在都司。有所不知。知無不為。其在講筵。有所不言。言無不盡。天下不以為栻之賢。而以為陛下之聖。蓋身賢非賢。而用賢為明。能言非難。而聽言為聖。且如前日樞臣張說之除。在廷之臣。無一敢言。獨栻言之。人皆以為成命之難回。而陛下即為之改命。是時天顏之喜。聖語之褒。行路之人。皆能言之。以為堯舜之捨己從人。成湯之改過不吝。陛下兼而有之。然一旦夜半出命。逐之遠郡。民言相驚。以為朝廷之逐張栻。是為張說報仇也。臣以為不然。陛下如惡其人。必不聽其言。既聽其言。必不惡其人。然天下之人。難以戶曉。此意未必出於陛下。而此謗獨歸於陛下。此臣所以不勝其憤。而為陛下下一言也。至於小人如韓玉者。士論籍籍。謂其人狼子野心。工於說謬。深於險賊。當陛下厲恢復之志。推豁達之度。使功使過。不疑不貳。故如王者。亦偶得以佞使令於

前。而玉小人。不知聖恩之深。陰懷兩端之志。其大姦大惡之塔臺。臣既言之矣。臣獨聞之士大夫之間。玉有書與知識。言不勝秋風鱸魚之思。識者聞之。莫不寒心。昔陳平背楚歸漢。終為漢之用。侯景背魏歸梁。終不為梁之福。今之待玉。幸其有陳平之用。而不察其有侯景之詐。豈不危哉。且臺諫者古之法。官蓋天子之耳目。朝廷之紀綱也。宰臣聞其有言。則狼狽而出。府犬將聞其有言。則奔走而釋兵。非畏臺諫也。畏國法也。今臺臣之言。玉者至於七八矣。而玉頑然坐曹。不以為意。是無國法也。法存則國安。法亡則國危。他日萬一有姦雄焉。其誰肯為陛下言之。借使言之。其誰畏之。議者皆曰。陛下逐一君子如彼。其易而去一小人如此。其難。陛下何以得此聲哉。此臣所以不勝其憤。而為陛下下一言之也。大抵小人之言。不可聽也。教君子則小人必以為黨。排小人則小人必以為訐。臣聞昔者孔戣之去。韓愈上書

留之。唐帝不以為黨。張湯之姦。李息畏禍不言。汲黯深以為責。臣雖無汲黯之見責。不敢不發韓玉之姦。臣知陛下之不罪諫臣。過於唐帝。不敢不留張戣之去。劉向曰。用賢則如轉石。去佞則如拔山。此漢成帝之為也。陛下之聖。必不為此。但恐言之而利害不明。諫之而忠誠不切。不足以感動聖心爾。臣願陛下沛然改命。留其所當留。去其所當去。朝廷輕重在此一舉。臣區區獻忠。不勝萬死。

萬里又上留劉光祖奏曰。臣昨被命覆考殿試進士。鎖宿半月。不知近事。至二十五日二十六日。唱名蒙恩賜告。少休私室。忽聞殿中侍御史劉光祖除太府少卿。又聞光祖即欲出國門。上章丐祠。奉聖旨不允。有以見光祖不負陛下之知。又見陛下眷留光祖之勤也。臣頃守筠州。恭遇陛下龍飛九五之初。日夜翹首。跂足仰觀。陛下維新之政。責己愛民。尊賢納諫。勤學問。遠聲色。斥佞倖。禦禦乎漢宣帝。唐太

宗之上矣。惟一、二執法言責之臣。孤陛下之器使。往往假彈擊之權。以濟修怨之私意。文姦邪之說。以排異己之正士。識者歎息。四方何觀。臣是時蒙陛下收召。臣子大義。宜侯駕而行。世路孔艱。又欲自崖而返。辭不獲命。進退徬徨。積憂熏心。鬚髮盡白。既蒙賜對。再實周行。匪悅就列。愧無補報。適者陛下赫然震怒。斥退一二之臺諫。親擢光祖為副端。而光祖忠氣奮發。知無不言。言無不盡。陛下虛懷嘉納。言無不聽。聽無不行。在廷相賀。以為公道之昭明。太平之濟登也。而今也。光祖之遷。外議籍籍。或謂光祖以言事犯天威。或謂論權倖除授未蒙施行。臣以為聖明在上。必無此事。及見不允光祖丐祠之請。益知聖主之可恃。而外議之未然也。昔何武之去。鮑宣留之而復去。孔戣之去。韓愈留之而不從。臣與光祖。初無一日之雅。今茲偶然同朝。竊慕二臣為國留賢之義。願陛下勿詒唐帝失賢之悔。儻聖意幡然。遂行其言。而復光祖言職。固足以大慰中外之望。君其未也。亦當略行其說。使近倖不至輕視陛下耳目之官。朝廷益專。而光祖亦藉以可留實天下幸甚。臣謹昧死以聞。

著作郎兼國史編脩負興宗議。冗自上奏曰。臣聞古之聖人。知民不可以獨治。故因民而設官。知吏不可以泛命。故量官而置吏。使天下吏稱其官。民安於吏。用一人則百人勸。登一吏則百事治。事任至簡。則負不容多。擇吏最精。則士不容濫。一吏去則一吏補。材業之相形。大小之相勉。外郡之官闕。則選之於士民。省部之官闕。則選之於外郡。至於禁從以上。次第選置。其材愈高。則其用愈遠。職業一定。無有泛濫之虞。三代漢唐之初。所以世蒙其治。吏安其分者。由此之故也。逮至隋唐之末。風俗寢流。廉恥隨壞。天下之吏。紛紛沓沓。上設官者不已。下求仕者亦不已。凡有司選部所集。如聚鵝鴈。填咽滿前。因資

除授。有司不敢措手於其間。雖欲察其賢否。賢否恐未易察也。臣觀
唐末此弊。頗甚。百官泛濫。有試銜。有設官。有兼。有守。有判。有知。聯絡
輕重。仕法如此。其不齊也。用以進士。用以制科。用以辟召。又用以雜
科。流外。與夫自薦。鬻爵之名。縱橫錯雜。八流如是。其不清也。復以
仕法之不齊。入流之不清。雖使左授右契。知銓掌誅。一旦欲去官冗
之弊。臣竊見其難為也。而況隋唐拘拘不變者乎。其惟國家奕葉載
德。太祖太宗振刷海內。真宗仁宗法而效之。累朝惟以賢俊為急。不
以除授為私。太平興國初。朝官班簿。纔二百人。至咸平初。止四百人。
天聖元年。漸至千人。夫以四海之大。設千員之官。當時猶病其冗。故
先儒李淑謂明道已前。選士一歲入京。官不過數人。祖宗欲革冗弊。
誠恐如是。真為萬世法也。恭惟陛下臨御以來。明詔群臣。嚴束百辟。
一有薦纒不職之吏。投閑置散。此聖意欲除千載之累。而大驅吏蠹。

也。然銓司諸路。每一官闕。猶不下數人爭之。大抵仕流尚冗。人皆見
任子之泛。皆病進士之濫。自惠特恩之廣。心則知之。不能出口。何也。
恐一言則怨者眾也。然臣子之義。可以利國者。不卹怨言。先儒范仲
淹嘗奏疏於仁宗皇帝曰。冠蓋塞路。簪紱盈門。謂之賞也。無乃大甚。
願與大臣持新此議。仲淹以任子之制。不少加裁節。則吏源卒未可
清也。臣願朝廷略稽仲淹之節。任子少損其制可矣。此言行。則一冗
去矣。先儒李淑嘗奏疏於仁宗皇帝曰。取人既廣。則求學益踈。願啓
封閣名。兼抹聲實。約今歲吏部闕官之數。為來年進士入等之準。是
進士或至泛濫。則實材未易致也。臣願朝廷略稽李淑聲實之說。可
乎。此言行。則二冗去矣。先儒蘇軾嘗言於哲宗皇帝曰。吏部以有限
之官。難以待無窮之吏。將來特奏名。止乞量行收取。其餘不理。選限
是則特恩積弊不去。則僥倖或有未懲也。臣願朝廷略行蘇軾量取

之說。載之言行。則三冗去矣。凡是三冗。皆吏道之大冗也。今朝廷既以漸革之。則吏亦漸省矣。吏省則遂可以省福祿省則又可以省費。如是則薄海郡縣。凡在仕版。漸不紛雜。亦逃陛下指顧之用也。昔唐太宗定海內。官七百員。曰。吾以此待天下賢士足矣。唐太宗聰察之主。猶且如是。况陛下天稟聖智。濟萬於太宗者乎。願陛下下一加揀擇。則海內之至幸也。陛下逆者已詔有司加意選事。外鈐吏姦。如銓曹之門。隱匿闕次。引例異同。摭撫小節之弊。已漸削也。若更少清入仕之門。於此至治果日月異也。

興宗又議守令。上奏曰。臣聞古者天下之勢分寄於列侯。今者天下之勢分寄於列郡。古以一侯守一國。今以一吏守一郡。其賞罰政教施為措置。皆足以繫一方之利害。外邑即古之附城也。縣令即古之子男也。大小相貫。職任不濫。守令其何可忽也。兩漢之治。惟此為急。

能吏所在。近即近取之。遠即遠取之。才業俱備。名實相副。是時百官有能。然後為刺史。刺史有能。然後為郡守。公卿者又選郡守之有能者也。郡守不輕其付。至於如此。君乃縣令之進。其法類是。孝者廉者。諸郡則舉之。才者賢者。五府則辟之。既久而後進。既試而後用。初用則以為長。漸用則以為令。故其士民已信其人。蒙其化。是則兩漢縣令之輕重。亦猶太守之輕重。臣嘗反覆覽兩漢之冊。下見其輕。輕此職也。嗟夫。自唐中葉。以降。太守之職。寔薄矣。齊民寔重其病矣。若進士者。多以不根之文。決科十數年之後。則得之。任子者。多以乘肥衣輕之餘。遊官十數年之後。則亦得之。持吏者。多以泛泛奔走之勞。十數年之後。求試邊郡。則又得之。夫以取之之實。既異於古。進之之途。又多於古。是以若此其無別也。雖然。數百歲之後。一遇聖制。此弊即可滌去也。恭惟陛下思深道遠。聽覽明倫。天下之吏。舉無不購。而况

守令最為近民者乎。臣竊聞道路之言。述者凡守臣過關。陛下必
察其辨智。以驗其才。問之政事。以覈其實。退又咨訪。以考其行。陛下
丁寧加意。教守乃三代命侯之意。兩漢不足述於陛下之前矣。然臣
竊觀今者。州縣守令。未盡仰認德意。勵己修飾。此則諸路銓格之病
也。蓋銓司及諸路務掬一定之制。凡知縣兩任。例闕陞通判。通判兩
任。例陞知州。吏以資而授其官。如人受雇而計其直。一有不與。忍其
怨咨。是以昏悞不職之徒。養資以苟歲月。遂可因循而望州郡。如此
之類。前後不可殫舉。彼以非才得州郡於莽鹵。則其治郡亦必出於
莽鹵。得縣道於苟且。則其治縣亦必出於苟且。臣見比年治郡之吏。
間不得人多。僕役其境內。或貪送迎。以自尊。或徇燕遊。以自適。或指
宣布為虛文。或以苛歛為善政。縣令之弊。與是相等。枉者則欲苟免
而亟去。老者則欲苞苴而緩行。一邑之間。簿書有不精者。吏胥有不

畏者。徭役有不均者。鰥寡有不恤者。固先儒之患矣。仰賴陛下深
察此弊。述者聖旨。令諸路守臣體訪部內知縣。或有癘病老疾之人。
申取朝廷指揮。改差岳廟。如貪黷暴虐者。亦奏聞取旨。當議罷黜。聖
謨洋洋。縣令殃民之政。自此庶少革矣。然而臣猶慮州郡大吏。猶有
嚚然不率者。欲望朝廷更加精叙。始則嚴其選。中則督其課。終則勸
其實。而郡縣庶幾畢理也。蓋諸郡通判。一有不才。不敢自用。郡守可
以制之。郡守不才。加以自用。通判無如之何矣。臣愚伏望諸州通判
闕陞知州。自非卓然有顯異之跡。曾佐某州。建明某事。曾佐某官。能
去其弊。雖資合入郡。既無此功。又無平日行義。郡國之符。不宜輕付。
此臣之所謂始嚴其選者也。監司既以舉刺守令為事。若守令有非
常之績。與不可掩之罪。監司能舉能刺。則宜同其賞。不舉不刺。則宜同
其罪。乞朝廷常令監司課守令。又令御史課監司。用力小而見功多。

總覈名實。在陛下指顧之間。決無難者。此臣所謂中則督其課也。昔張九齡常以郡守之能者宜擢為列卿。縣令之能者宜擢為臺郎。陛下此嘗召擢能吏矣。聖意廣遠。自超古昔。臣願益充而行之。臣又見四川等處中有繁劇縣道最難治者不下數十。累年闕官非故闕官也。吏不敢為也。伏望朝廷令四川條具繁難縣道。各有幾品。幾年闕官。能吏如願調者。一任無過。乞與特轉一資。如是則劇繁之邑。有才者必不辭。無才者必不至。終歲無闕官曠事之弊矣。此臣所謂終則勸其實者也。夫以守令不職。擴陛下日月之明。赫然臨於其上。又因是三者勸懲於其下。臣將見郡縣平治矣。臣言雖若循常。然細慮之。治本實不過此。陛下亦必樂聞之。蓋王人常有父母斯民之心。無一日而不在民故也。

右諫議大夫黃洽言宰相代天理要在為國得人。人主之命相任

則勿疑。宰相重則朝廷尊。朝廷尊則廟社安。宰相掄才任職。當盡公心。君子進則庶職舉。庶職舉則天下治。上首肯再三。乃曰。卿如良金美玉。渾厚無瑕。天其以卿為朕弼耶。

陳傳良以言事去。彭龜年黃度楊吉相繼皆去。工部郎李天性抗疏言朝廷清明。乃使言者無故而去。其甚惜也。數人之心。皆本愛君。知其愛君。任其去而不顧。恐端人正士之去者。將不止此。孟子曰。不信仁賢。則國空虛。臣所以為之寒心也。

唵縣尉謝深甫言。今日人才。榜中以外者多。妄誕矯訐。沽激者多。眇鬻激昂者。急於披露。然或隣於好。或剛介者。果於植立。而或鄰於太銳。靜退簡默者。寡有所合。或鄰於立異。故言未及酬。而已齟齬事未及成。而已挫抑。於是趨時徇利之人。專務身謀。習為軟。然畏避束手。因循苟且。年除歲遷。亦至通顯。一有緩急。莫堪倚仗。臣願任使之際。

必察其實。既悉其實。則涵養之以蓄其才。振作之以厲其氣。栽培封殖。勿使沮傷。上嘉納。

秘書郎國史院編脩實錄院檢討官呂祖謙脩徽宗實錄書成進秩。面對言曰。夫治道體統。上下內外。不相侵奪。而後安。鄉者陛下以大。臣不勝任。而兼行其事。大臣亦皆親細務。而行有司之事。外至監司。守令職任。率為其上所侵。而不能令其下。故豪猾玩官府。郡縣忽者。部掾屬凌長吏。賤人輕柄臣。平居不見其患。一旦有急。誰與指麾。而伸縮之邪。如曰。臣下權任太重。懼。不能無私。則有給舍以出納焉。有臺諫以救正焉。有侍從以詢訪焉。倘得端方不倚之人。分處之。自無專恣之慮。何必屈至尊以代其。其人之閑鬲脉絡。少有壅滯。又則生疾。陛下於左右。雖不勞操制。其玩而弗慮。則聲勢浸長。趨附浸多。過欲浸積。內則懼為陛下所護。而益思壅蔽。外則懼為公議所磨。

而益肆詆排。願陛下虛心以求天下之士。執要以總萬事之機。勿以畚任或誤。而謂人多可疑。勿以聰明獨高。而謂智足備察。勿詳於小而忘遠大之計。勿忽於近而忘壅蔽之萌。

秘書丞陳居仁入對。論文武並用。長久之術。陛下獎進武臣。深得持平。救偏之道。然未必得智謀勇略之士。或多便佞輕躁之徒。將復有偏勝之患。帝嘉納。

太常博士黃黼輪對。言周以輔翼之。臣出任方伯。漢以牧守之最。權拜公卿。唐不應遷任。不拜宰相。本朝不為三司等屬。不除清望官。仁宗時韓琦范仲淹龐籍皆嘗經略而事久。歷遷任。始除執政。遷奏復警。范仲淹至再請行。貞州之變。文立。博親自討賊。乞於時望近。臣中擇才略謀慮可以任重致遠者。或三。上流。或委方面。皆知邊防利害。地形險阨。中外軍民亦孚其恩信。其威名。天下無事。則取風績顯。

著者不次除拜。以尊朝廷。邊鄙有
相。何所不可。上嘉獎曰。如卿言。可知
盡用人之道。

嚴州教授袁樞嘗奏言。臣竊聞陛下
論兩漢所以興衰。有小人不可不
陳往事。自漢武而下。至唐文宗。偏
而似誠實。儉佞而似忠鯁者。苟陛下
士。臣恐必為朝廷累。上顧謂曰。朕不
陛下之言及此。天下之福也。

陸遊論選用西北士大夫。劄子曰。臣
北人寇準持之尤力。故南方士大夫
公聽並觀。兼收博采。燕南北之異。於
楚蔡襄起於閩。杜衍起於會稽。余靖
一聞天聖以前。選用人。才多取
抑者多。仁宗皇帝照知其弊。
范仲淹起於吳。歐陽脩起於
也。於嶺南。皆為一時名臣。彌稱

聖宋得人之盛。及紹聖崇寧間。取
抑之歎。陳瓘獨見其弊。昌言於朝。
言天下之至言也。臣伏觀方今雖上。原未復。然往者衣冠南渡。蓋亦
眾矣。其間豈無抱才術蘊器識者。不班列之間。北人鮮者甚。非示天
下以廣之道也。欲望聖慈命大臣近臣。各舉趙魏齊魯秦晉之遺才。
以新試用。拔其尤者而任之。庶上遵仁祖用人之法。下慰遺民思舊
之心。其於國家必將有賴。伏願留神省察。

游又論作起士氣。劄子曰。臣伏讀御製蘇軾贊。有曰。手扶雲漢。轉造
化機。氣高天下。乃克為之嗚呼。陛下之言與謨也。軾死且九十年。學
士大夫。徒知尊謙其文。而未有知其文之妙。在於氣高天下者。今陛
下獨表而出之。豈惟軾死且不朽。所以遺學者。顧大厚哉。然臣竊謂
天下萬事。皆當以氣為主。軾特用之於文。爾趙普氣蓋諸國。故能成

混一之功。冠準氣吞醜虜。故能成却敵之功。范仲淹氣壓靈夏。故西
討而元昊款伏。狄青氣懾嶺海。故南征而智高殄滅。至於韓琦富弼
文彥博之勳勞。唐玘包拯孔道輔之風節。大抵以氣為主而已。蓋氣
勝事則事舉。氣勝敵則敵服。勇者之聞當者之博。非有他也。直以氣
盡及古人也。方無事時。亦何所賴此。一旦或有非常。陛下擇群臣使
之假鉞而董三軍。擁節而諭萬里。雖得賢厚篤實之士。氣不素養。臨事
違遽。心動色變。則其舉措豈不誤陛下事耶。伏望萬機之餘。留神于
此。作而起之。毋使委靡。養而成之。毋使沮折。及乎人才爭奮。士氣日
倍。則緩急惟陛下所使而已。且吳蜀閩楚之俗。其渾厚勁朴。固已不
及中原矣。若夫日趨於拘窘怯薄之域。臣實懼國勢之浸弱也。不勝
憂。把不獻言。恭惟陛下裁。

中書舍人張孝祥論用才之路。欲廣。劄子曰。臣聞國之強弱。不在甲
兵。不在金穀。獨在人才之多少。項羽未嘗不強也。未嘗不勝也。而高
祖卒取天下。蓋項氏之臣。所謂傑出者。往往不能容。反為劉氏用。燕
惠乎項亡。而劉之興也。臣恭惟陛下。以英武不世出之姿。當艱難之
時。獨運神斷。息濟宏業。孜孜汲汲。二年于茲。而成功未見。未有端緒。
蓋所謂人才者。尚少。不足以備使令耳。今入官之門。雖廣。而用才之
路實狹。古者取於盜賊。取於夷狄。取於仇讎。取於姻戚。苟才素初不
問其生出之本末也。今茲不然。非進士科。則朝廷已不敢錄。有除用。
幸而用一人。焉議者必曰。此非清流也。此某人之戚黨也。此某人之
子弟孫也。此故嘗有所負犯也。此跌宕而不羈也。其用武臣亦然。大
毛成疵。深排力阻。夫如是。而欲力致天下之豪傑。以濟非常之事。難
矣。伏望聖慈。深詔大臣各體此意。舍去拘攣。投拾度外之士。博取而

詳察以備緩急之用。人才既多，使之治財賦，使之治軍旅，使之宣力四方。陛下將無往而不獲，無為而不成。若臣不勝僥倖。

知宜黃州劉清之入對言用人四事。一曰辨賢否。謂道義之臣大者可當經綸，小者可為儀刑，功名之士大者可使臨政，小者可使立憲。至於專謀富貴，剽達而已者，下也。二曰正名實。今百有司職守不明，非曠其官則失之侵偏。願詔史官考究設官之本意，各指其合主何事，制旨親定，載之命書。依開寶中差諸州通判故事，使人入曉然知之。而行賞罰焉。三曰使材能。謂軍旅必武臣，錢穀必能吏。必臨之以忠信不欺之士，使兩人者皆得以效其所長。四曰聽換授。謂文武之官不可用違其才，然不當許之自列。宜令文武臣四品以上各以任行才略及文武藝每歲互舉，堪充左右選者一人於合入資格外，稍與優長。

歷代名臣奏議卷之一百四十六

歷代名臣奏議卷之一百四十七

用

宋光宗紹熙元年。湖南轉運判官陳傳良薦宋文仲等狀曰。臣恭親
明詔。搜羅湖廣遺材。竊見通直郎知潭州長沙縣宋文仲。有通務之
才。而發於謙和。有及物之志。而安於靜退。蓋文仲雖生長南土。其家
學則中原文獻也。頃丞萍鄉。萬有民譽。方臣假守桂陽。信其為人就
訪之。而文仲嘗為桂陽錄事參軍。按臣本軍會計錄一書。臣遵行之
所以能蠲除宿負。罷弛斜科。不得罪於其民者。文仲之功也。尋領使
事。訪以九郡利病。無不周知。前者倉司糴補諸郡。未僅十萬斛。今者
漕司蠲錢亦數萬緡。皆文仲發之。臣以為文仲雖衡陽人。實國士也。
奉議郎知常州無錫縣吳獵。學問本於純實。器識期於遠大。所居閩
郡。宗為師友。凡與之遊。類多自愛。而獵於其交。有善稱之。不容口有

過採之不遺力。有急難。雖不利於其身。赴之不恤也。頃以事桂林。幕府與平李接之亂。未嘗言功。已而帥臣劉燁不理於口。而燁誼不避罪。屢訟其寃。人臣如此。其不負國必矣。臣守桂陽。獲道為贍軍酒官。助講荒政。甚於飢渴。桂陽故事。遇皇帝登極。奉表進銀二千兩。屬方採荒之際。力不辦。此臣懼無以塞責。獲實教臣申請減額。送蒙睿旨。損三之一。為惠一方。獵與有力。臣以為獵雖長沙人。亦國士也。文林郎知潭州攸縣蔣礪。素稟端亮。耻為苟簡。往歲江陵。今茲攸縣。廉惠之譽。兩邑同辭。觀其為吏。苟不便於民。雖上官令之。不聽。苟便於民。雖匹夫不獲。伸則身任其責也。臣嘗見其詣闕。所上書。廣右利害。有四採弊之說。及與提點刑獄司論經總制錢。其言惻惻。可以施用。則迹臣所謂遠方因革。可備咨訪者。在靜江則礪其人。也。奉議郎知全州清湘縣蔣礪。賦受沉寢。濟以通練。亦佐桂幕。與平李接之亂。隨

宜知變見。謂善謀。而其操履自不可奪。及今為縣。益善。吏績郡實賴之。臣得其領外鹽筴本末一書。自開寶訖于淳熙。上下二百餘年。燦然明白。其論以政和蔡京變法。實為公根。馴致二廣連年多盜。官船密販。迭為民擾。蓋利東路。則西人被其害。利西路。則東人被其害。宜為損益。兼惠兩路。斯可以便公私。息紛更。以臣所見。廣鹽之說十數。家未有如礪之平者。則迹臣所謂遠方因革。可備咨訪者。在臨賀則礪其人。也。如臣不肖。非有知人之明。能得此數乎。於眾人未識之先。正以久居於此。或聞之。公論之。熟或見之。同事之。詳如宋文仲吳獵之在湖南。蔣礪楊礪之在廣右。朋儕鄉黨。咸所推先。牧守賓僚。無不器重。臣如隱默。不惟負蔽賢之罪。是不奉明詔也。已於今年某月某日。具狀奏聞。臣愚欲望聖慈。特賜甄錄。以昭示公朝。不遐遺之。美謹錄奏聞。伏候勅旨。

四年傅良爲起居舍人兼中書舍人。繳奏給事中黃裳改除兵部侍郎。狀曰。臣以樓鑰差克御試官時。暫兼攝吏左。旁書黃事。近者新除鄭汝諧權吏部侍郎。錄黃一道。臣已書行去訖。給事中黃裳不肯書讀。輒有論奏。臣於鄭汝諧有鄉曲之好。於黃裳有僚友之情。與此二人。初無厚薄。鄭汝諧之除授。堪與不堪。黃裳之封駁。當與不當。臣不復論思。奉聖旨。改黃裳兵部侍郎。此臣之所不敢默默也。何者。給舍封繳。是謂官守。其言行則謂之振職。其言不行則謂之失職。振職謂之功。失職謂之罪。此百王以來與國家列聖之所務。暴白者也。今者黃裳之言。臣不識陛下以爲是與。抑以爲非與。若以爲是。則當聽從。若以爲非。則當罷黜。今也陰廢其言。而陽遷其官。是非不明。賞罰倒置。臣竊以爲當今之時。不宜有此。何者。陰廢其言。而陽遷其官。古來傳記嘗有此事。若非猜阻之君。豈擅任數。以此爲蓋抹之術。則是姦

回之臣。嫉賢驅正。以此爲中傷之計。今陛下寬容樂易。非猜阻之君。二三大臣。靖正真非。姦回之佐。不謂清朝有此過舉。臣頃常奏。屢言君德當與天同。每蒙淵聽。曲加獎納。今夫天發生則爲雨露。肅殺則爲霜雪。未有明示雨露之恩。而密加霜雪之慘者也。由此觀之。若裳所言悖理傷道。營惑聰明。懷姦挾私。變亂事實。則陛下且出其辜播之公衆。明怒而明黜之。如此施行。豈不正大。若裳所言止於爲國過慮。無悖理傷道之失。或是求人太備。無懷姦挾私之邪。則以陛下明恕。何所不容。豈應違忤。遽有遷改。今乃名爲進官。而實奪其當言之職。外小優假。而中不無怒絕之意。遂使凡有官守。人人自疑。黃裳雖去。何以繼之。強顏緘默。誰無愧耻。隨事正掾。未知所終。則此終之後。將見給舍竟爲虛設。雖有忠賢。無以自明。此臣之所甚憂。而不敢默默也。欲望庸愚少霽天威。收回成命。令黃裳依舊供職。以釋在廷

之疑。以為來者之勸。

傅良又上奏曰。臣昨具奏給事中黃裳緣封駁不行。改除兵部侍郎。乞收成命。且令黃裳依舊供職。所有錄黃一道。當日還中書門下。省去後。更不付出。仰見聖心。本無適莫。不唯閭畧黃裳。遠行亦復不以僭越罪。臣愚竊度。或者陛下以為無此故事。為遲之耳。臣攷之史傳。大臣齒口失人主之意。將及去官。俄而再留者。不可勝數。今特舉給事中。二事為陛下誦之。唐呂元膺自給事中除同州刺史。及入謝。奏對激切。憲宗嘉之。明日。詔宰相曰。元膺讜言直氣。朕欲留在左右。使言得失。李藩裴均進賀曰。陛下納諫。冠於前王。臣等既不能廣求直言。又不能數進直言。合當負罪。今請以元膺復為給事中。上悅而從之。且夫元膺解職刺州。已有成命。而憲宗終惜其去。李藩裴均

復贊其留。遂令元膺再還舊官。故憲宗號為英主。裴李亦稱名相。雖然。此猶是唐朝故事。非本朝家法也。紹興二年。以兵部尚書權邦彥為簽書樞密院事。給事中程瑀三疏駁之。尋令他官書讀。程瑀乞罷。遂遷兵部侍郎。瑀不拜。除龍圖閣待制。知信州。臺諫官江躋方孟卿皆言黃門職典出納。顧不留瑀。自助竊為朝廷惜之。上批復除瑀給事中。及入謝。上曰。給事之設。正要駁異。豈在雷同。朕以卿再三求去。勉從所請。然深不欲卿去。故再有此除。瑀出。特賜象笏。是則陛下家法也。仰惟高宗中興之初。君臣相與不事形迹。故程瑀志在報國。不以嬰鱗為懼。而敢於駁邦彥。江躋方孟卿志在惜賢。不以朋比為憂。而敢於留瑀。而高宗天錫勇智。從善如流。故亦不以反汗為吝。而深信躋等之說。用瑀如故。傅之史籍。千載美談。臣所以不敢信宿進此二事。以贊聖斷之決。伏望宸衷。體高廟無我之心。二三大臣。劾李藩

裴垪獻替之力。特收成命。遽降黃裳。依舊供職。指揮以增聖治之先
華。以勸臣工之興起。而微臣不肖。亦得與江濟方孟卿同說不朽易
勝榮幸。

傅良又繳奏張子仁除節度使狀曰。臣恭覲數日以來。一二明詔講
慶壽之禮。足以歡兩宮之心。除鬻田之令。足以快四海之望。中外大
小之臣。莫不手額欣抃。延頸以企。曰。近者二三大臣進退哀榮之典。
久未予決。意自今聖心豁然。如天開霽。必次第處分矣。忽奉宸旨。張
子仁除節度使。果有以見九重燕閒。未嘗不軫懷勳舊。而及其後人。誠
舉斯心。而加諸大臣。則一指揮之頃耳。然而人之關係。有重輕。則事
之施行。有先後。今二三大臣進退哀榮之典。宰執臺諫屢嘗奏請。方
留未下。而遽加恩於勳臣之子。則是輕重不倫。先後失序。臣竊未曉。
不敢不為陛下條陳之。且夫留正輔相初政。于今四年。言聽志行。

未有君臣之間。而君卒不審。使出脩門揆之經義。未為中節。然而待
放郊外屏居山樊。自欲陳情。亦既累月。陛下誠怒之歟。則策免舊章。
皆可覆視。誠不欲其亟去歟。則或以少保歸班。但解機政。或以內相
領使。間奉朝謁。則為政者進退唯命。夫復何辭。若猶鞅鞅缺望。稟命
不度。則持憲臣寮。豈容但已。然則今置正弗問。而遽加恩於子仁。獨
何歟。恩足以及勳臣之後。而念不至上相。此臣之所未曉者一也。非
特此也。趙雄以抱病不痊。均佚鄉郡。陛下強起之。以帥江西。雄之遜
牘亦一再上。而重遣天威。當暑出峽。竟以舊恙卒于官。萬里旅櫬。道
路惻然。雖雄勲業不敢望過厚之禮。而有司常慶安用損益。何為恤
典遲遲。至今至如尤表。三朝老儒。而陛下之潛邸僚友也。最蒙睿簡
行且大用。而其致仕遺表之章。亦數月未報。然則今置雄等弗問。而
遽加恩於子仁。又何歟。恩足以及勳臣之後。而念不至故老。此臣之

所未曉者二也。非特此也。關陝對壘。今六十年。國家以十萬緡絲付之吳氏父子三世。全蜀晏然。不煩西顧者。吳挺之力也。陛下方將召見闕庭。行采薇杖屨之禮。曾未及講。挺復致仕。故尤以為傳聞失實。屏申奏而不信。豈非託重於挺。愛之欲其生乎。陛下之意。則厚矣。而非其事情也。以挺之威望。敵國之所窺覷。則擇代不可以不謹。以挺之恩信。士卒之所懷感。則恤終不可以不至。以挺之事權。海內偏重。則一旦而收之。又不可以不深加思慮也。方今急務。未有過此。然則今置挺弗問。而遽加恩於子仁。抑又何歟。恩足以及勲臣之後。而念不至於將此臣之所未曉者三也。雖然。臣所云云。特謂輕重不倫。先後失序。物論沸騰。白事而進言耳。若夫張子仁者。介在閑散。人不稱數。雖少長將家。而無橫草之勞。雖久綴班行。而無涓埃之補。不知何故得此殊渥。且夫門府建族。非叙遷之官也。告廷享號。非私昵之賞也。無故而取之。則交結之謗。在於子仁。適足以禍之。無故而予之。則非汎之患。在聖朝。不足以勸人。况張子仁嘗使令姚德打死命官歐陽安中。又有外宅婢阿關。用炮烙刀刃之刑。虛害阿鄭等。蓋嘗經法寺定斷。臺官覺察矣。又皆以議功。僅從追奪。即其怙勢奸法。見於奴婢罪狀。明白。不當除授。大略如此。其他妨礙。臣未暇數。以煩天聽。臣不勝拳拳。欲望聖慈。下采公論。將張子仁無故恩。數速賜罷寢。予以光華主德。尊重名器。而亟因羣情。舉行體貌大臣之禮。則社稷之福也。搢紳之願也。所有錄黃。臣未敢書行。謹錄奏聞。

第二狀曰。今月十二日。恭奉御筆付下。臣昨奏。張子仁除節度使。事奉御筆。為係勲臣之子。特除節度使。可與書行。須至再有奏聞。若臣昨不揆愚賤。嘗綴奏張子仁除節度使事。退惟螻蟻。輒抗雷霆。言雖當理。死有餘罪。今者恭奉御筆。令臣書行。仰惟聖度如天。曲賜容

忍而人親。灑宸翰。明示風旨。願臣何人。尚敢違忤。雖然。臣聞修當行之政者。足以慰僕望之情。施無故之恩者。足以示謗讟之口。臣前所奏。固知子仁之為勲臣子也。但方群情嗷嗷。這一項累月。皆以留正待放。而罷命未聞。趙維告終。而恤典不及。凜然西陲。擁兵十萬。兵挺刃。故關無主者。當此時也。而授鉞於閑散庸繆之臣。宜先者反。後宜緩者加急。則是捨當行之政。而推無故之恩。臣恐僕望者惶惑。而謗讟至矣。此所以深為聖明惜此事體。且夫報答舊勞。孰與輔初政者之為親。矜憐後裔。孰與專帥聞者之為重。此事理。慨然豈唯群臣。雖子仁固知之也。使子仁稍有念慮。則亦於此恩數。踴躍不安矣。臣是以不敢隱嘿。須至再言。庶幾熙朝。不以無故之恩。而先當行之政。恭惟陛下聰明仁厚。遠繼三五。儻蒙少霽威嚴。下采上誓。而今而後。不意豁然萬幾之間。群疑水釋。事關廊廟。則立見施行。憂在疆場。則便須處置。上以承兩宮之志。下以盡百辟之情。人無後言。事無後患。如是則國家尊榮。朝野忻豫。雖勲舊子孫。憑藉寵靈。窮極富貴。亦物議之所不及矣。至如張子仁有罪無功。自是不當有此除授。則臣不暇論。所有元御封付下臣奏狀一件。連粘在前。謹錄奏聞。

紹熙中。太學博士彭龜年乞留侍御史劉光祖。以伸臺諫。上疏曰。臣等備數學官。素餐無補。事有職守。不敢越思。惟念國家開設學校。所以涵養天下公議之原。而臣等僅以課試文藝。苟求塞責。誠不足仰稱明指。日夕憂懼。不知所為。適有一事。偶關士氣之消長。臣等儻顧出位小嫌。緘默自愛。揆之初心。實所不忍。臣等伏見殿中侍御史劉光祖。近除太府少卿。士論紛紛。皆謂因論吳端除授之故事。之始末。踈遠小臣。不能盡知。或是或非。皆不敢決。然臣等竊以為不可者。偶留近倖。而遽遷臺臣。其於國體。所繫甚大。臣嘗竊觀祖宗借重臺諫之

意揆之古昔所未前聞。劉安世劾胡宗愈至二十餘章。而不以為瀆。貴重大臣。如文彥博。因唐介一言為之亟罷。而不以為橫。蓋所以優假直臣。專安國勢。其為計慮至深遠也。今先祖論端。其言必不如安世之切。陛下偶然進端。亦未必寵任如彥博也。而祖宗處之如彼。陛下處之如此。比而觀之。孰得孰失。當不待人言而後喻矣。陛下嗣登大寶。始初清明。隆寬盡下。邁迹三五。豈容有此瑕玷。傳播四方。寧免疑惑。况天下士氣方患不振。今日之事。朝路籍籍。皆以為不可。而告陛下者。曾幾何人。平居則仰屋竊歎。遇事則緘默不言。陛下既未有以興起斯敝。而敢言者復不得伸。臣等深恐言者自此不敢言。而不言者亦以言為戒。甚非國家之福也。臣等私憂。猶不止此。陛下所以遷端者。止念其服役之久。而言者適然攻之太亟。陛下亦適然拒之太堅。小人不知必謂其徒得君如此。其專據勢如此。其固附聲託影。寔成

驕橫。則他日將有不勝憂者。當是之時。臣等恐陛下尤費區處。如今日也。陛下天資恢廓。以虛受人。於天下事。初何容心。其始本無親昵近倖之意。而遽進端。其終亦無厭薄臺諫之意。而遽踈先祖。然疑似之迹。未能昭明。群情共蒙所當深慮。昔韓維因論臺官進退。有曰。自古聖王優待諫諍之臣。雖甚狂直。必加含忍。其勢非不能黜也。以為黜此一人。則傷衆多之心。遂此一失。則敗天下之事。故不為也。老臣憂國。其言懇切。深中事情。臣等欲望陛下平心定氣。更加審處。少抑近倖之恩寵。以伸臺諫之公論。復留先祖。俾復其倖。使天下曉然知陛下聖德光明。本無偏倚。自此無復顧慮。各罄心腹。以不負陛下任使。實宗廟無疆之福。臣等冒犯宸嚴。罪當萬死。不勝俯伏俟命之至。龜年論續降指揮之弊。上疏曰。臣聞古之善治天下者。詳於用人。而略於用法。故法不過制其大綱。而君臣之間。相與講切者。唯擇人以

付之而已。故所用無非才。而法亦恃以無敵。後世徒欲以法籠絡天下。左牽右制。一創百補。不勝其繁。而用人之際。齒毒殘裂。切不問故人適足為法之蠹。而紛紛改更。皆非法之真敵。實人敵之耳。恭惟陛下聰明憲天。不自克聖。寬洪盡下。言無不聞。近日天下利害。雖瑣細猥繁。亦得以上達天聰。然究其所言。類多責詳於法。而不求治於人。故朝下一物。夕更一令。所謂蠲降者。殆不勝紀錄。曾不知官非其人。法亦徒設。姦吏舞弄。出此入彼。適足以亂吾法耳。故臣妄謂善治天下者。任法不如任人。變法不如變俗。使天下士大夫。皆持公爾忘私。國爾忘家之心。以莅官。劾職。則國家之法。何者非善。苟有所不及。亦必有以治之矣。臣之區區。願陛下與二三大臣。先講所以官人之方。無使賢格得以容。不才薦舉得以行。私意移審。度人情之心。以審度人物。變難行已私之智。以推行公道。則求用之人。必無不才。所居之官。必稱其職。雖以今日之法為天下。蓋有餘矣。不然。臣未見徒法可以立者。唯陛下留神。

吏部尚書趙汝愚奏薦張漢卿元汝楫狀曰。臣等備數銓曹。漸無補報。所得滯淹之士兩人。職守所在。不敢隱默。竊見從事郎張漢卿。初任監興國軍。在城酒稅。到官未久。偶太守不相知。督責太過。漢卿不堪其辱。遂和淵明歸去來詞一篇。大書于印曆而歸。今杜門讀書。恬澹自守。已十有六年。又承節郎元汝楫嘗監復州酒稅。課亦登辦。時郡中公使庫有煮醞酸腐。太守責令酒務變賣。汝楫辭曰。在城拍戶。困於省額。不聊生矣。豈能認無用之酒。陪無名之錢乎。堅拒不受。太守怒。押汝楫下。燕廳供責。吏稍侵之。汝楫曰。我直彼曲。何供之有。遂取印曆一抹而歸。今躬耕畝畝。蓋二十餘年矣。臣等竊惟漢卿等皆一介小官。能不為勢利所屈。忍貧絕祿。不辱其身。若朝廷稍旌異之。

使各充其所志。則異時臨事。必有可觀。伏望聖慈。特將漢卿汝楫。並與堂除差遣一次。仍令吏部取索印紙。重別換給。庶幾廉耻道興。縉紳知勸。誠非小補。

汝愚薦蜀中三縣令狀曰。臣頃歲蒙恩。備負制帥。竊見西蜀四路。多士如林。其間學行優長。俱被朝廷選用。惟諸邑知縣。未聞以治績蒙擢用者。竊恐無以深慰遠俗。臣伏見承議郎劉甲。乃元祐名摯之曾孫。幼孤能自奮立。昨知夔州雲安縣。其邑素號難理。惟甲寬而有制。明而不苛。為政優游。人自悅服。既去而人思之。宣教郎程驥。人物秀整。嘗宰我眉青城兩大縣。而青城尤多巨族。租賦皆不以時輸送。惟驥到官。不用刑罰。雖經累月。而杖未嘗啓封。人亦無犯。從事郎謝辛。為人磊落。有志事功。上津極邊僻遠。久無人願就。惟辛一聞辟命。略不辭難。時有朝旨修鵠嶺關。二役甚大。而窮山極谷。民戶凋零。勢必

甚擾。賴辛躬行險阻。委曲措辦。事濟而人安之。在任三年。綏撫善良。錫治強狡。四境安靜。及辛既滿。經今累年。復無一人肯就辟者。右三人非惟所居政績尤異。而文學行誼。亦皆可觀。伏望聖慈。特賜旌擢。以為四蜀官吏之勸。一方幸甚。

汝愚又應詔薦李信甫徐誼鄭湜王聞禮范孫楊翼之狀曰。臣伏見朝請郎主管建昌軍仙都觀李信甫。質實無華。剛毅有守。入居臺院。頗著直聲。出守近藩。亦多美政。朝奉郎兩浙西路提舉常平公事徐誼。首德粹溫。受才膚敏。方居學校時。已慨然有憂世之志。今把麾持節。所臨有聲。朝奉郎知建寧府鄭湜。文為國華。積有時望。建寧吏寇之後。人情未安。自湜下車。寬猛並用。旬月之間。吏民悅服。右三人各曾任監司太守。可備郎官卿監之選。宣教郎荆湖北路安撫司幹辦公事王聞禮。故太子詹事十朋之子。重厚質直。有其父風。臨事毅然。

義形於色。宣教郎邛州蒲江知縣范蓀。資稟粹然。清約自守。臣見其嘗臨利害。群議紛紛。蓀獨退避不爭。人服其量。從政郎前汀州武平縣丞楊翼之。風力敏彊。有志當世。莅官則政事可紀。居鄉則信義可稱。右三人資歷未深。可備職事官之選。若蒙朝廷擢用之後。其間有不如所舉者。臣甘坐謬舉之罰。

知潭州朱熹同監司薦潘燾韓越蔡咸方銓狀曰。臣等竊見比年以來。臣僚申嚴薦舉之法。以革獨負之弊。蓋所以示公道而杜私情也。然人之才固有不同。而薦之者所見亦或不一。往往獨負之薦常多。而列銜之薦常少。繇此故也。臣等備員帥臣監司。其於一路人才。職當留意。既不敢以已見獨薦。而參之以公論。苟有可以備采擇者。又安敢隱嘿。竊見朝請大夫權知邵州潘燾。以學問持身。以儒雅飾吏。不鄙夷其民。首以教化爲務。崇尚學校。修建先賢祠宇。民有嘉訟。論

之以理。事至有司。敏於決遣。由是度訟日簡。郡囹屢空。湖北僑寇。侵犯邊境。而燾處置得宜。民用安堵。至於移屯。置寨爲民防患者。無所不用其至。其他設施。一切不苟。臣熹昨與帥臣周必大已嘗以其姓名薦聞矣。朝請郎權知全州韓龜。名臣之後。材力有餘。入仕以來。凡三作邑。皆有可紀。民情利病。纖悉洞究。全之爲郡。久費枝梧。而龜適能檢視吏姦。稽考滲漏。民間輸納。不多取斛。面糜費商。稅寬減苛。細前政財賦。不辦。龜至未幾。即不乞漕計。且足部用。奉議郎權通判邵州蔡咸。有高祖襄精明之風。自初試吏。即以能聞。用獲盜賞。改官。又用收疆賊。應副錢糧。賞循資。又因水滂賑濟。中書籍記姓名。比者邵有僞人之擾。咸詣山前督捕。暴露經時。多設方畧。鈞致蠻獠之情。卒能使之恐懼納款。其他佐理郡政。不競不隨。經總制錢。不待催督。每歲溢額。總所亦已保奏。委之賑濟。措置有方。民被其惠。奉議郎提刑

司幹辦公事方銓品資宏格識趣高明向宰懷安劇邑運事三帥皆稱其寬簡不擾急吏緩民所薦之詞如出一口懷安之民至今稱之今任湖南屬官其在幕中靖重寡言澹若無營至於酬應事機多所贊助前任提刑孫某嘗以其學識深潛持守正固薦充所知是四入者職雖不同然其才各適於用欲望聖慈特加旌擢以為趨事赴功者之勸如後不如所舉臣等甘坐謬舉之罰須至奏聞者

熹知漳州屬龍溪縣令翁德廣狀曰右臣叨被誤恩候守偏郡自到官以來惟思所以仰稱使令之意以為亦宣德意固為郡中之職然苟屬縣奉行不得其人則無自而及於百姓故嘗深察諸縣令佐之賢否其背公營私廢弛不職者已嘗按劾具奏得旨施行其壯官公勤委有善狀者又豈敢默默而不以上聞乎臣伏見朝奉郎知龍溪縣翁德廣天資剛直才氣老成不為赫赫可喜之名而每有懇懇愛

民之實臣嘗以縣事大要者三察其施為知其果有可稱者刑獄詞訟財賦是也縣所解徒流以上罪歲率數十臣取其案牘觀之見其親畫條目委曲難問必盡囚辭而後已及州司理院再行審鞠而囚卒無異辭皆以縣之所鞠為得其情是能上體國家哀矜庶獄之意也漳之四邑龍溪為大理訴之牒日百餘紙巧偽詆讎姦詐百出德廣乃隨事處決終朝而畢人服其公未嘗有知責留禁之人是能使百姓無屈抑不申之訟也縣所賦入最為浩繁各三縣之數不足以當龍溪十分之八郡之經費賴以取足德廣乃從容應辦民自樂輸吏無追督是能足用裕民而無抑配科歛之患也攷其治行蓋庶幾乎古之循吏者竊謂若使凡為縣者皆能如此則國家德澤不惠於壅隔而田里之間亦不復有歎息愁怨之聲矣臣與德廣為同郡人其孝友稱於宗族行義信於鄉閭臣素知之固已甚審至此一年察

其所以施於有政者又如此。故今不復以鄉曲為嫌。已照薦舉格令舉充陞陟員數。又念方以災患乞奉香火。朝夕得旨。便當解罷。而德廣去替。亦以不遠竊恐後來者知德廣之賢。未能若臣之詳。偶至脫略。則在臣有見賢不能舉之罪。臣愚欲望睿慈察臣所舉出於公論。將德廣特與陞擢。差遣以為官吏勤事愛民之勸。臣不勝大幸。謹錄奏聞。

蔡戡奏薦鄂州通判劉清之狀曰。照對臣等。待罪本路職任雖不同。其於薦賢報國。臣子之心則一。部內有賢。知而不舉。當得蔽賢之罪。臣等不敢隱嘿。竊見承議郎通判鄂州軍州事劉清之。學行醇篤。議論正平。不為矯激。以盜虛名。不肯詭隨。以追時好。其憂國愛民之心。趨事赴功之意。出於懇惻。居官首以風化為務。留意學校。廣延生徒。又率介冑子弟。欲習兵書。著書業其中。荆楚之俗。明鬼病者不藥而

巫。死者不葬而火。清之力禁止之。而又斥淫昏之祠。表烈女之墓。抑告讐之風。使民知嚮。屢攝郡事。邦人宜之。頃任太常寺主簿。以憂去官。今任垂滿。其人靜重。耻於自媒。臣等不言。終恐湮沒。欲望睿慈特賜旌擢。或且試以一郡。必能撫字疲民。假以一節。必能澄清屬部。儻不如所舉。臣等甘坐謬舉之罰。

戡奏薦衡州通判宗嗣良狀曰。照對諸州通判。亦號按察官。郡守或關必以次攝事。如得其人。則郡政賴以修舉。所補不細。臣等近遵聖旨考察一路郡守臧否。具名聞奏去訖。惟是通判攝行郡事。顯有勞効者。臣等職在廉察。其敢蔽而不言。竊見通直郎權通判衡州軍州事宗嗣良。故觀文殿學士京城留守澤之孫。澤以忠義著聞。而嗣良天資明敏。濟以勤恪。自到官之初。適值知州趙彥恂因言章放罷。嗣良實權州事。衡為湖南劇郡。嗣良不以時暫權攝。而懷苟且之心。失

遣滯訟曉夕不懈。獨除苛歛。務寬民力。稽察欺隱。財賦自足。首尾半年之間。起發上供錢物。應副官兵請給。並無違闕。而不聞秋毫之擾。安撫轉運兩司。委嗣良和羅朱三萬餘石。未嘗過糴。而應期了辦。其他處事。多合人情。一郡士民翕然稱之。近已得守臣張縉到任交割。訖。縉嘗知南康軍。嗣良為建昌知縣。累政皆以罪去。而嗣良獨以治辦稱。縉亦素知其能。到郡之初。賴以協濟。兼詢訪得嗣良初任汀州長汀縣主簿。郡守以廉吏薦。嘗蒙中書省籍記姓名。次任靜江府靈川縣令。亦為漕臣所薦。全觀其人。稟資強敏。足以辦事。存心忠厚。不肯撻民。如蒙朝廷付以劇任。必有可觀。欲望聖慈。特賜旌擢。使之展盡其才。亦為能吏之勸。不勝幸甚。

又秦薦臨安通判王補之狀曰。臣猥以疎庸。承乏京邑。適值多事。加以歉歲。應辦百出。惴惴惟贖。是憂所賴。察佐同心。叶濟僅無

遺闕。臣嘗具奏。乞將趨事赴功之人。稍加旌擢。激厲其餘。得旨依奏。臣竊見臨安府通判王補之。天資敏明。濟以勤恪。精通法令。兼曉義理。臨事不苟。處事適中。而又行之以公。持之以恕。每有滯訟疑獄。多委參訂。必加詳審。於人情法意。無不曲當。昨來禁中修造。阜陵發引。與夫舉行荒政。悉以委之。一皆趨辦。臣賴其裨贊為多。考其治行。實為一府僚屬之最。兼其人試中法科。曾任大理寺丞。例當得郡。而乃俯就倅貳之職。其廉於進取可知。欲望聖慈。特賜旌擢。他日或有繁難任使。必能了辦。儻不如言。甘坐謬舉之罰。

又奏薦胡規。方俟似狀曰。照對臣等所部二十四州。去朝廷最遠。仕者不憚數千里深入瘴鄉。無非為利。愉惰苟且。浸以成風。鮮有不溺其習者。其間廉平之吏。僅或有之。求其材術優異。治績昭著者。得二人焉。臣等隱默不言。不惟獲蔽賢之罪。淑慝不分。亦無以示勸。臣

敢冒死奏聞。竊見奉議郎知邕州胡槻。名臣銓之孫。家學自有源流。其人性資明爽。風力強敏。有志事功。究心職業。前任靜江府通判。差權貴融象三州。所至輒最諸司交薦之。邕管極邊。控禦溪洞。彈壓盜賊。累為要地。管下武緣宣化二縣。羣盜淵藪。家猾巨寇。株株囊橐。盤固累年。吏不能制。槻到官未久。廣設方略。遣人擒捕。戮其渠魁。蕩其巢穴。餘黨鼠竄。境內帖然。比年以來。沿邊官吏。多為州洞所啗。恣其侵暴。不敢呵問。槻正已律人。無一毫與之交私。示以威信。蠻徭知畏。姦民販鬻。生口賣出外界。槻力行禁止。此患少息。蠻人互市。吏卒姦弊百出。槻痛革之。又能節損用度。修葺城壁。建樓屋。餘間除治軍器。訓練士卒。以備不虞。勸誘州洞士人。入學聽讀。使志忠義。職務具舉。課其治効。實為一道之最。又朝奉大夫通判靜江府。方俟。故相高之孫。其材具風力。不在槻下。雖兩佐郡。未究所長。前任潭州通判。

帥臣王簡余端禮相繼力薦於朝。會偕適以憂去。今任到官累月。協贊郡政。非一人明而能恕。敏而加審。允定奪公事。躬覽案牘。剖決是非。平允詳盡。合於法意。當於人心。委之以事。不擇劇易。不避嫌怨。毅然有守。不可干以私。動遵繩檢。恪守廉隅。不為流俗所移。寮吏之中。未易多得。實為一府之望。臣等與二人素無雅故。亦非請託。既知其才。不敢隱蔽。欲望聖慈。特賜旌擢。以為遠方官吏之勸。儻不如所言。臣等甘坐謬舉之罰。

哉。又奏薦高商。老周煊。劄董狀曰。照對臣等。俱蒙誤恩。臨淮劇部。息欲推廣德意。惟藉郡守得人。凡二十四州之廣。其有治績顯著者。最不相繼。奏聞。向者諸司。嘗以知邕州胡槻為一路之最。首先刻上。未蒙朝廷施行。續加考察。復得其人。不避煩瀆。輒敢論薦。伏見朝請郎權知象州高商。老行義著。聞鄉閭。才術見推。流輩文學。吏事皆有過

人。頃宰劇邑。已著能稱。前後守臣以其政績上聞。嘗降四轄指揮。今為象臺行將兩考。為政平易。民懷吏畏。檢稅姦弊。郡計自然有餘。撫摩凋殘。田野為之加闢。以至興修學校。繕治城池。鼎新軍營。易節以瓦。區處有方。人不知役。繼累政寬。履之餘。而能百廢具舉。稽之列城。未易多得。又朝散大夫知潯州周煒。問學深醇。操履堅正。秉心靜退。恬於勢利。士論鄉評。莫不歸重。繼宰兩邑。吏民至今去思。遠為總所。幹官分務。池陽章去弊。蠹號為捕職。諸司亦嘗交章論薦。今茲試郡。清淨愷悌。宜民裕意。牧養流亡。復業獄訟。清簡人皆安之。在一路中。獨無訟牒。至于諸司。又能持身廉介。以律察吏。久例以魚稅錢幾千緡。充郡守月給。煒皆却而不取。人所難能。攷其治行。近古循吏。又朝奉大夫知宜州劉董。元祐故相。擊之後。動遵家法。嚴正有守。吏不能欺。試郡西融。諸司已嘗論薦。宜陽控扼群蠻。最為衝要。而郡計窘匱。

事多廢弛。自董到官。數月之間。興滯補弊。井井有條。理諸僞奉。賜官兵廩祿。率皆按月支給。無復異時通滯之苦。奉行鹽筴。尤得其宜。調度賴以豐裕。民搖安堵。不相侵擾。實為邊最。臣等參訂共議。得此三人。不敢隱默。自貽蔽賢之罪。亦不敢私徇。以干謬舉之罰。欲望聖慈。特加甄擢。庶幾可為遠方牧守之勸。

又奏薦將來叟狀曰。臣守藩行且再暮。自念初無毫分可以稱塞。惟有薦賢報國之心。不能自己。竊見靜江府。雖處在嶺南。然國家二百餘年聲教所暨。風化所漸。為日滋久。邇來文物寔盛。人材間出。過於疇曩。往往困於僻遠。無路自達。終老炎荒。今有卓然傑立。而為郡適在巡管之內者。不敢隱嘿。謹以薦聞。竊見知賓州蔣來叟。天姿敏明。抱負瓌偉。績文種學。夙出輩流。莅官臨民。勤輒可紀。早中甲科。繼登朝列。其人材可與中州之士頡頏。實為二廣人物之秀。今守荒遠。

小郡規摹施設如古循吏。治行藹聞。為一路最特處。之未得其地。用之不盡其材。使之陸沉瘴鄉。誠為可惜。若假以內地。毫釐漸加。擢用必有可觀。臣愚欲望聖慈。特賜甄錄。以為遠方表勸。庶使嶺外士子。仰認聖主不忘遠之意。後來人材出者。皆知激厲。以備國家器使。不為無補。臣不勝區區至願。謹錄奏聞。

戲又奏薦趙時侃。方信孺狀曰。照對臣。今月二十六日。承宰州公文。準吏部符。七月初二日。三省同奉聖旨。在內令侍從臺諫兩省。卿監郎官在外。令監司郡守前宰執。侍從不拘文武。臣各舉人材三兩人。限三日具奏。若臣伏覩奉議。即通判常州軍州事趙時侃。性資剛毅。吏事精明。濟之以中和。飾之以儒雅。初調武進縣尉。已有能稱。適值歲飢盜賊。旁午。時侃廣布耳目。多設方略。尋即捕獲。用賞改官。及宰句容。剖決民訟。皆得其平。經理財賦。不擾而辦。興利除害。愛民戢吏。

邑人至今思之。今任毗陵郡丞。究心職業。有志事功。處心和平。不尚苛刻。治事勤恪。不為苟且。佐理郡政。調娛為多。諸司所委。看定按牘。平讞獄訟。咸謂允當。列銜論薦者。至再前後。舉者二十餘人。其人老成詳審。練達疏通。凡所施為。無不中節。事方叢委。時侃處之。綽有餘裕。付以一路。必能澄按所部。界以一郡。必能惠養小民。委之繁劇。必能治辦。今已書兩考。旦夕受代。唯朝廷所用。又承務。即知紹興府蕭山縣丞。淮東隨軍轉運司幹辦公事。方信孺材猷。為明風力強。敏文采。吏事皆有可觀。粵自弱歲。下筆出語。固已驚人。出於天資。非由學力。及其入仕。慷慨敢為。事不辭難。所治輒辦。初調番禺縣尉。承累政廢壞之後。創立解宇。蓋造營房。置辦軍器。教閱弓手。境內肅然。番禺新會。關令。府檄攝事。剴剔蠹弊。百廢一新。朝廷行下勸諭。納粟。本府委令信孺。措置到三萬餘石。諸司知其才。同銜奏辟。知增城縣。上章

列薦者無慮十數。今任以獲盜賞改秩知蕭山縣丞。到官未幾姓名聞于朝廷。選差充淮東隨軍轉運司幹官。見在軍前。應辦其人年壯氣盛。有意功名。奮厲激昂。不擇劇易。少加誣養。必為成材。內而繁難職事外。而沿邊任使。皆可試用。此二人者。臣或目擊其治行。或熟知其才業舉。以應詔將來朝廷擢用。後不如所舉。甘俟朝典。

賊又奏薦。為万俟卨張忠恕狀曰。照對臣等濫膺委寄。刺舉列城。五嶺之西。封域至廣。薦賢揚善。職所宜先。雖在僻遠。猶當識拔。况居臺府之下。復出流輩之中。若不公其奏聞。何以明示表勸。伏見朝奉大夫通判靜江府万俟卨。好學自修。不勝祖烈。治官行己。皆有可觀。廉介自將。公正不撓。遇事明審。而持心近厚。材優治劇。而不為頌苛。入仕已及六任。前後兩承會府。所至皆有聲績。自倅靜江。逾一考。詳定案牘。剖決精當。孜孜不懈。洗冤更不能欺。事至立辦。動邊繩檢。不

可干以私。頃在長沙時。帥臣王簡余端禮相繼力薦于朝。比來諸司亦嘗剡上。雖已報聞。未蒙甄錄。又通直郎充廣南西路轉運司主管文字張忠恕。生長名門。耳濡目染。不學而能。服勤儒素。而無貴介之習。妙齡秀發。而有老成之風。試吏之初。人已夸敬。遠為賓。慎尤見其材。運司財計。至為浩繁。分典南銓。尤難平允。加以漕臣仍年數易。中間鹽筴滯滯為多。忠恕乃能一意裨替。檢核吏姦。區處得宜。事皆修舉。頃為臨安府樓店務時。帥漕各舉以所知。比來漕臣亦嘗論薦。前此以其方始到官。故諸司未敢列薦。臣等竊詳二人。雖中州僚佐之感。恐亦未易多得。而使之淹回。遠方賞所共惜。敢望聖慈。特加擢用。庶使臣子歆羨。知領海之間。無異畿甸。有善必錄。無遠不聞。人皆樂於遊宦。以興起事功。實一路幸甚。

數又乞選擇監司。上奏曰。臣聞范仲淹執政。患諸路監司不才。取班

簿視之。每見一人姓名。以筆勾去。以次更易。富弼曰。公是一筆焉。知一家哭。仲淹曰。一家哭。何如一路哭耶。遂悉罷之。韓琦嘗因用監司。或非其人者。崔公孺曰。公居陶鎔之地。宜以造化爲心。造化以蛇虎者。害人之物。故置蛇於藪澤。置虎於山林。今公乃置之通衢。使爲民害可乎。夫監司者。號爲外臺耳目之寄。其權任亦重矣。苟得其人。百姓知所畏。苟非其人。一路受其害。可不遴選耶。國初始置轉運使。淳化中。遣官提點諸路刑獄。天聖中。置轉運判官。熙寧中。置提舉常平。其後又有提點坑冶茶馬市舶。俱號監司。一路之間。多至五六人。使有風節才力者爲之。一人足矣。何以多爲。如其不稱。重爲民害。九除一。監司繁以中。數歲費員三萬緡。公帑萬緡。迎送萬緡。俸給五千緡。兵卒券食五千緡。賢者居之所費止此。不才者抑又甚焉。多取頭子錢者有之。抑賣公庫酒者有之。科買土產物者有之。巡歷之餽遺。宴

吏卒之取乞。批支。蓋非一端。州縣之擾可知也。而又遷易不常。費用不貲。且以湖北漕言之。淳熙三年。殆今五六年間。允送迎三十餘次。如此漕計。安得不匱民力。安得不困乎。以臣愚見。未若省其負。而擇其人。夫畿甸之內。最爲浩穰。向來獨自亦未有不辦之事。今江東西湖南北福建。並置兩漕。其一似可省矣。淮浙閩廣產鹽之地。置提舉可也。湖南北江東西似可併矣。茶馬坑冶職兼數路。遣使可也。閩廣市舶職務至簡。似亦可併矣。負省則可以減費。負少則易於擇人。費減則用度足。人擇則職務舉。此必至之效也。臣愚欲望聖慈。明詔大臣。應諸路漕臣。止除一員。江湖提舉茶鹽。閩廣提舉市舶。議所以省併之。然後遴選有風力資望者。分使諸路。監司得其人。必能激濁揚清。而守令職稱。守令得其人。必能奉法循理。而田里安業。爲治之要。莫先於此。取進止。

醴泉觀使周必大奏論任官疏曰。臣聞堯舜而下設官分職。未嘗不以久任爲先。鯀堙洪水。汨陳五行。堯猶待其九年。然後易置。舜亦以三載考績。九年然後黜陟幽明。後世何獨不然。粵自漢唐。以迄于今。論者孰不以是爲急務。固無待於縷進。只如本朝。文彥博年過九十。更事最多。當元祐二年。輔哲宗初政。累上言。謂中外任官。務替頻速。在任不久。有如驛舍。無由集事。何以致治。今聖主臨御。詢事考言。竊計講之已熟。次第施行。抑臣偶有管見。輒妄言之。今外路迎送守倅。監司借請不貲。凋耗郡計。最爲大弊。其尤可慮者。川廣小郡。廩禁軍人數。至少。每遇迎新送舊。往往別作名色。盡數差撥。遠者一年。近或半歲。奔走道路。廢其閑習。平時既已傷財。緩急又將誤事。若皆任滿。猶且庶幾。其間偶有事故。則歲中一再如此。何以堪之。臣意欲朝廷將川廣小郡迎送。在千里之外者。別爲區處。或就所過州郡。隨其川陸。應副舟車。遂節交替所費。度不甚多。其本處迎送。正以鄰境爲斷。一則大省借請。二則不妨備禦。然須所過州郡體國奉公。乃無阻滯。其餘大郡。事力可辦。又當別作措置。願付議臣審詳利害。使之悠久可行。免至輕於出令。若乃選擇得人。深戒數易。或令臣任舉。增秩賜金之典。則不勞更張。善無以加矣。

監察御史虞傳輪對劄子曰。臣聞邦本之安危。常係乎民情之舒慘。民情之舒慘。常係乎守令之賢否。書曰。民惟邦本。本固邦寧。唐張九齡曰。元元之衆。繫命於縣令。宅生於刺史。蓋擇守令以結民心。以固邦本。聖哲之格言。帝王之先務也。臣竊見今之州縣。若守若令。莫不以財賦爲先。未嘗以民事爲意。其農桑之勸。不勸。差役之均。不均。戶口之安。不安。獄訟之理。不理。如秦人之視越人。肥瘠。視焉不加憂喜。於其間。至若催科一事。則急於星火。上供有常額。則以出剩爲能。省

限有定期。則以先期為辦。斛斗升合。所以準租也。則對量加耗。尺寸
銖兩。所以均稅也。則展取奇零。不求羨餘之獻。則為乾沒之謀。捷肌
剥髓。十室九空。民財既殫。民心亦怨。萬一水旱繼作。年穀不登。飢寒
迫於身。其不去而為盜賊者鮮矣。善乎揚雄有言曰。秦之有司。負秦
之法度。秦之法度。負聖人之法度。是以秦之末年。郡縣皆殺其守令。
而勢益怨疾之久矣。唐至僖懿以後。奢侈日甚。賦歛愈急。連年水旱。
百姓流殍。盜賊並起。尤憎官吏。得者無不殺之。亦若秦而已矣。夫張
官置吏。而使民疾之如讎。則其為國不亦危乎。易曰。履霜。堅冰至。是
豈可不為寒心哉。我本朝有天下二百餘年。所恃以為萬世不拔之
基者。人心而已。臣願陛下躬行節儉。減省冗費。不專以區區財賦為
急。明詔大臣。精擇守令。且以惠養斯民為先。俾之以課勸農桑。平均
差役。安集戶口。理斷獄訟。蓋農桑既勸。則民有餘財。差役既均。則民

有餘力。戶口既安。則民無流移。獄訟既理。則民無冤抑。雖有天災。不
能使之困。雖有姦民。不能使之亂。人心既固。邦本永寧矣。宗社幸甚。
生靈幸甚。

傳又輪對劄子曰。臣聞為君之道。不過用人聽言之二端而已。用君
子而以小人間之。非也。聽忠言而以讒言沮之。亦非也。夫薰蕕不同
器。鸞鴉不並栖。君子必惡小人。小人必害君子。君子不能勝小人。小
人常勝君子。自古至今。金勢不兩立。君子在內。小人必在外。小人在內。
君子必在外。內外之分。否泰係焉。每藥苦口。利於病。忠言逆耳。利於
行。善口則難受。逆耳則難從。小人善窺人主之意。務為迎合。君子則
據正論事。而不肯詭隨。雖上之人公聽並觀。然久之不能無惑。雖灼
知其為姦邪。然未有能決去之者。况執狐疑之心。持不斷之意。乘昔
漢元帝即位之初。蕭望之張猛論。向與夫恭顯。許史之徒。雜然並立。

於朝是非相攻。好惡相激。元帝初。固亦洞然。卒也。望之引決於私室。張猛自殺於公車。劉向擯斥。不得進用。其紀綱日以紊。權柄日以移。國祚日以衰。無足恠者。雖能更制七十餘事。以公田及苑。振業貧民。減樂府。息罷甘泉宮。衛齊三服。官節用。愛民。蓋小善無益也。然則為君之道。豈不在用人。聽言之間乎。昔子夏有言。舜有天下。選於衆。舉臯陶。不仁者遠矣。湯有天下。選於衆。舉伊尹。不仁者遠矣。陛下聽明如舜。勇智如湯。真異世而同符者。有如漢元帝之事。亦不可不鑒。雖然。小人之情。偽常以疑似而亂。其惟無心於上者。乃克有所見。權衡無心於輕重。故錙銖莫欺。水鑿無心於所醜。故毫釐罔遁。人主苟能無心以御羣臣。是非邪正。一付衆議。衆議所是。我則與之。衆議所非。我則去之。彼惡得而欺我哉。合衆人之聽。然後為公視。合衆人之聽。然後為公聽。善曰。天視自我民視。天聽自我民聽。衆之所在。雖天不廢也。惟陛下留神取止。

起居郎劉光祖乞留侍講。朱至近。凡有所懷。敢不輸瀝血誠。上未光侍立螭坳。勸講經。望且天聽。臣十九日。直前面對奏。本職之外。因言朱熹前後論事。望且畧與施行。庶幾其人久在經筵。補助聖德。臣之愚慮。蓋恐朱熹自見有言不行。決至求去。召之難。去之易。四方視此。為國重輕。所以乞陛下采擇其言。畧行一二。良以此故也。臣當時只慮熹從此因不合而求去。使人得以窺議國家。一圖是日。陛下不知積因何事。人不樂熹。批出與之宮觀。熹自求去。臣猶恐虧損事體。今陛下乃自去之。其所傷抑已多矣。然必有其故。臣等不知。不然。陛下何用之急。而去之遽。宰臣之言。轉力。陛下怒之。轉深也哉。趙汝愚本為愛護君德。存全國體。見此御筆。密不使人知之。雖其同列。亦不以告。意謂天意終

回然後徐令熹從容自請遂甘難進之素志而陛下未察以為助熹而不行人主之命令中批徑達熹所觀此則聖怒之深固可知矣自昔英雄之士怒及忠賢如漢武帝之於汲黯唐太宗之於魏證方其怒也如雷霆之震而不測及其悔也如日月之食而復明臣請為陛下陳之武帝方招徠文學儒生詔策之曰吾欲云云黯對曰陛下內多欲而外施仁義奈何欲效唐虞之治乎帝默然怒變色而罷朝公卿皆為黯懼帝退謂左右曰黯之天譴黯之釁也及莊助為黯請告武帝則曰古有杜稷臣至如黯近矣前以為愚釁而後則以為社稷之臣武帝豈終怒黯哉太宗於魏證言無不從證前後二百餘奏無不剴切一日朝罷怒曰會須結比田舍翁長孫皇后問曰誰也太宗曰魏證數廷辱我后退具朝服上於庭太宗驚問其故后曰妾聞主明臣直今魏證直由陛下之明也妾敢不賀太宗乃悅夫太宗之

於證方盛怒而欲殺聞后言之善則悅而從之太宗豈終怒證哉漢唐之英主無終朝之怒此猶以義理而矯其天資者也本朝仁宗皇帝仁厚之主也亦嘗有所不堪而怒尋復悔之唐介之事是也介彈文彥博仁宗怒曰介言他事乃可至謂彥博因貴妃得執政是何言也介面質彥博其爭愈切仁宗大怒玉音甚厲眾恐禍出不測是時蔡襄修起居注立殿陛即進曰介誠狂直然納諫容言人主之美德必望全貸遂召當制舍人就殿廬草制貶春州別駕明日御史中丞王舉正救解之上亦中悔改為英州別駕仍從介言罷彥博政事其後召介復用為御史大夫仁宗暫怒而即悔不惟無恨介之心又使之再在言路真所謂聖度如天非漢唐二君所能及也今陛下之怒熹無乃類於是乎臣安知在內無莊助之請長孫后之賀而臣實居秦襄之任敢不以仁廟事陛下乎雖然熹明先聖之道為今宿儒職


專勸講蓋陛下之所尊禮。又非黜證介三臣之比也。三臣以直諫逢怒。而熹以古道獲踈。則儒者果無益於人之國如此乎。且熹為人。陛下在潛邸。久知其姓名。以壽皇之英明。嘗欲用之。而卒不及用。以太上之寬厚。又欲用之。而竟不能致者。蓋小人望風而嚴憚之有素。此熹所以在外。則負四海之望。在朝。則無一日之安也。然陛下即位之始。首召熹而寘之於侍從者。何哉。陛下初膺大寶。以危惕為心。招來耆儒而崇獎之。用慰遠近之望。此陛下初以之最善者也。而熹本不可屈。老乃更變。深存宗社之念。夫是以翻然一來。臣素不識熹。每與相見。但勉令少安。不可遽爾求去。以副主上嗜學渴賢之意。趙汝愚亦嘗令臣勉熹。切未須深切言事。第磨以歲月。涵養聖心。俟既浹洽。不患不言聽而諫從。恐多強人主以所難行。久必生厭。厭而請去。則願非所請。轉使朝廷難於處置也。熹比往來。已是與人曲折。聞臣此

言。自謂酌量可否。亦欲遲久有補。聖明獨不知。曾向陛下言及何人。說及何事。忽觸天威。至於即日罷遣。臣料必不因十九日經筵留身所奏之一事。而陛下遂赫然去之也。熹久有重望。又在經幄。不同他官。進之退之。皆當有禮。故大臣重惜事體。不即施行。秘而不言。仰冀密回天意。而方逢宸怒。未軫聖思。踈踏彷徨。對人絕無顏面。且陛下亦嘗念之乎。使太上前者。因廷臣盡言而舉逐之。則方人心欲變之際。祖宗社稷。誰與扶持。陛下曆數。誰其翊戴。今群賢幸集。而一旦無故先去。首召首用之大老。使人解體而離心。臣兩日如醉如迷。不謂聖君忽有此失。只如臣往年以執憲殿中。極論弊端。起遷給諫。失職既蒙宣諭。執奏如初。違忤太上之意。奪臣言職。然猶俟臣三請相而後許。臣去國。今陛下既曰。憫熹耆艾。又何恩意之蔑如也。且古之君子。進人以禮。退人以禮。今之君子。進人若將加諸膝。退人若將墜諸

淵。今陛下之於熹。無乃加膝墜淵之謂乎。夫天道乃人事也。前日不測之風雷。即兆陛下時出不測之號令。有如此也。熹麋鹿之性。惟恐不入山林。臣等姑羈縻之。而陛下乃解而縱之。是使熹得遂初欲。而陛下自乖始圖。陛下得無未之或思也歟。臣叨荷寵榮。不忍嘿嘿。伏望聖慈。覽臣此章。釋然悔悟。以示遠近。以安群聽。昔帝堯捨己從人。而成湯。改過不吝。無使前日尊儒重道之心。一變而為惡。直踈賢之舉。臣非助熹者也。乃真助陛下者也。惟陛下財幸。

侍講朱熹以言事去。監登聞鼓院游仲鴻上疏曰。陛下宅憂之時。御批數出。不由中書。前日宰相留正之去。去之不以禮。諫官黃度之去。去之不以正。近臣朱熹之去。復去之不以道。自古未有宰相諫官講官而能自為聰明者也。願亟還朱熹。毋使小人得恣以養成禍亂。

殿中侍御史林大中奏言。進退人才。當觀其趣向之大體。不當責其行事之小節。趣向果正。雖小節可責。不失為君子。趣向不正。雖小節可喜。不失為小人。又論今日之事。莫大於讎耻之未復。此事未就。則此念不可忘。此念存於心。于以來天下之才。作天下之氣。倡天下之義。此義既明。則事之條目可得。而言治功可得而成矣。



卷之三十一

Multiple columns of faint, illegible text, likely bleed-through from the reverse side of the page.

正德